

全上古三代秦漢三國六朝文

全梁文卷五十八

烏程嚴可均校輯

周興嗣

興嗣字思纂陳郡項人世居姑孰齊建武中舉秀才除桂陽郡丞梁受禪爲安成王國侍郎擢員外散騎侍郎遷給事中除臨川郡丞復爲給事中有千字文一卷集十卷

休平賦

白鶴羽扇賦

銜明珠以報德訪在陰而陽止既來集於衛軒亦傾舞於吳市駢瑤塲雪盈華寫潔通脊似介點首如翳繁吹動髮環涼入衣懷兮若秋之暮懷兮如雪之飛

藝文類聚卷六十九

司馬筠

筠字貞素河內溫人晉譙王承七世孫師事劉瓛齊建武中爲

奉朝請遷王府行參軍天監初爲本州治中除暨陽令入爲尚書祠部郎遷王府諮議除尚書左丞出爲始興內史

皇子爲慈母服議

宋朝五服制皇子服訓養母禮依庶母慈己宜從小功之制按曾子問云子游曰喪慈母禮歟孔子曰非禮也古者男子外有傅內有慈母君命所使教子也何服之有鄭玄注云此指謂國君之子也若國君之子不服則王者之子不服可知又喪服經云君子子爲庶母慈己者傳曰君子子者貴人子也鄭玄引內則三母止施於卿大夫以此而推則慈母之服上不在五等之嗣下不逮三士之息倘其服者止卿大夫尋諸侯之子尚無此服況乃施之皇子謂宜依禮刊除以反前代之惑

梁書司馬筠傳

迎氣不用牲議

昆蟲未蟄不以火田鳩化爲鷹雉羅方設仲春之月祀不用牲止

珪璧皮幣斯又事神之道可以不殺明矣況今祀天豈容尚此詰
夏初迎氣祭不用牲隋書禮儀志二天監七年尚書左丞司馬鈞議帝從之

參議尚書齋祭服

禮記王藻云諸侯玄冕以祭碑冕以朝雜記又云大夫冕而祭於
公弁而祭於己今之尚書上異公侯下非卿士止有朝衣本無冕
服但既預齋祭不容同於在朝宜依太常及博士諸齋官例著阜
衣絳襪中單竹葉冠若不親奉則不須入廟隋書禮儀志六天監九年同馬鈞等參議
帝從之

量代脯脩議

大餅代大脯餘悉用蔬菜隋書禮儀志二天監十六年十月左丞司馬鈞等參議

荅釋法雲書難范縝神滅論

辱告并垂示敕荅臣下審神滅義伏讀周流式歌且舞夫識慮沈
隱精靈幽妙近步無以追凡情不能測外聖知其若此所以抑而

下之字
作足

不談故涉孔父其尚昏經姬公其未曙而碌碌之徒忘理信曰雖
畫管窺異見鋒起苟徇離賢之名遂迷霜露之實愚惑到此深可
矜傷我皇道貫幽顯明踰日月窮天地之極以盡始終之奧忌猶
紫之妨薰朱惡雉珉之亂鳳玉爰發聖衷降茲雅義信之以光揚
妙覺拯厥沈泥近照性靈之極遠明孝德之本實使異學翦其邪
心四方篤其羨慕謬以多幸預奉陶均沐澤飲和有兼慶躍流通
曲被佩荷彌深司馬筠呈

弘明
集十

柳暉

暉字文暉河東解人齊竟陵王引爲法曹累遷相國右司馬入
梁爲廣州刺史再爲吳興太守卒贈侍中中護軍將軍有集十
二卷

答釋法雲書難范縝神滅論

辱告惠示敕所答臣下神滅論大指歸無二宗致本一續故不斷

釋訓之弘規入室容聲孔經之深旨中外兩聖影響相符雖理在固然而疑執相半伏奉淵旨照若發蒙顧會玄趣窮神知寂測情盡狀天地相似千載闕疑從春冰而俱泮一世顛倒與浮雲而俱開祇誦環徊永用懸解存及之顧良以悲哉弟子柳惲頓首白明

庚黔婁

黔婁字子貞新野人仕齊爲本州主簿遷平西行參軍歷編房陵二縣令入梁爲蜀郡太守終太子侍讀散騎侍郎

荅釋法雲書難范縝神滅論

孝經云生則親安之祭則鬼饗之樂記云明則有禮樂幽則有鬼神詩云肅雍和鳴先祖是聽周官宗伯職云樂九變人鬼可得而禮祭義云入戶愾然必有聞乎其歎息之聲尚書云若示三王有太子之責左傳云鯀神化爲黃能伯有爲妖彭生豕見

右七條

弟子

示當作闕

生此百年早聞三世驗以眾經求諸故實神鬼之證既布中國之書菩提之果又表西方之學聖教相符性靈無泯致言或異其揆惟一但以聖人之化因物通感抑引從急與奪隨機非會不言言必成務非時不感感惟濟物而參差業報取捨之塗遂分往還緣集淪悟之情相舛狎其小識晦茲大旨滯親聞見莫辯幽微此榆枋所以笑九萬赤縣所以駭大千故其宜也若斯之倫遂復構穿鑿駕危辯鼓僞言煽非學是謂異端故宣尼之所害也我皇繼三五而臨萬機紹七百以御六辯勳格無稱道還淳粹經天緯地之德左日右月之明皇王之所未曉羣聖之所不備億兆之所宜通將來之所必至莫不習其玄波而達其幽致者也伏覽神論該冠真俗三才載朗九服移心歧行蠢蠕猶知舞蹈況在生靈誰不撫節弟子少缺下帷尤蔽名理既符夙志竊深踴躍至如百家恢怪所述良多搜神靈鬼顯驗非一且般若之書本明斯義既魔從所

排趣無兼引自非格言孰能取正略說七條皆承經典譬猶秋毫之憑五嶽觸氏之附六軍敢歷微塵祇增悚汗弟子庾黔婁和南

弘明
集十

許懋

懋字昭哲高陽新城人晉徵士詢五世孫仕齊爲後軍豫章王行參軍轉法曹茂才遷驃騎大將軍儀同中記室除太子步兵校尉永元中轉散騎侍郎兼國子博士梁受禪除征西鄱陽王諮議兼著作郎待詔文德省出爲始平太守加散騎常侍轉天門太守中大通三年拜太子中庶子卒有述行記四卷集十五卷

答敕問雩祭燔柴

敕問凡求陰陽應各從其類今雩祭燔柴以火祈水意以爲疑懋答曰雩祭燔柴經無其文良由先儒不思故也按周宣雲漢之詩

曰上下奠瘞靡神不宗毛注云上祭天下祭地奠其幣瘞其物以此而言爲旱而祭天地並有瘞埋之文不見有燔柴之說若以祭五帝必應燔柴者今明堂之禮又無其事且禮又云埋少牢以祭時時之功是五帝此又是不用柴之證矣昔雩壇在南方正陽位有乖求神而已移於東實柴之禮猶未革請停用柴其牲牢等物悉從坎瘞以符周室雲漢之說

梁書許懋傳

封禪議

臣案舜幸岱宗是爲巡狩而鄭引孝經鉤命決云封於太山考績柴燎禪乎梁甫刻石紀號此緯書之曲說非正經之通義也依白虎通云封者言附廣也禪者言成功相傳也若以禪授爲義則禹不應傳啟至桀十七世也湯又不應傳外景至紂三十七世也又禮記云三皇禪奕奕謂盛德也五帝禪亭亭特立獨起於身也三王禪梁甫連延不絕父沒子繼也若謂禪奕奕爲盛德者古義以

伏羲神農黃帝是爲三皇伏羲封太山禪云云黃帝封太山禪亭皆不禪奕奕而云盛德則無所寄矣若謂五帝禪亭亭特立獨起於身者顓頊封泰山禪云云帝嚳封泰山禪云云堯封太山禪云云舜封太山禪云云亦不禪亭亭若合黃帝以爲五帝者少昊卽黃帝子又非獨立之義矣若謂三王禪梁甫連延不絕父沒子繼者禹封太山禪云云周成王封太山禪社首舊書如此異乎禮說皆道聽所得失其本文假使三王皆封太山禪梁甫者是爲封太山則有傳世之義禪梁甫則有揖讓之懷或欲禪位或欲傳子義旣矛盾理必不然又七十二君夷吾所記此中世數哉可得二十餘主伏羲神農女媧大庭柏皇中央栗陸驪連赫胥尊盧混沌吳英有巢朱襄葛天陰康無懷黃帝少昊顓頊高辛堯舜禹湯文武中間乃有共工霸有九州非帝之數云何得有七十二君封禪之事且燧人以前至周之世未有君臣人心淳樸不應金泥玉檢

升中刻石。燧人伏羲神農三皇結繩而治。書契未作。未應有鐫文告成。且無懷氏伏羲後弟十六主。云何得在伏羲前封太山禪云云。夷吾又曰。惟受命之君。然後得封禪。周成王非受命君。云何而得封太山禪。社首神農與炎帝是一主。而云神農封太山禪云云。炎帝封太山禪云云。分爲二人。妄亦甚矣。若是聖主。不須封禪。若是凡主。不應封禪。當時齊桓欲行此事。管仲知其不可。故舉怪物以屈之也。秦始皇登太山中坂。風雨暴至。休松樹下。封爲五大夫。而事不遂。漢武帝宗信方士。廣召儒生。皮弁綰紳。射牛行事。獨與霍嬭俱上。旣而子侯暴卒。厥足用傷。至魏明使高堂隆撰其禮儀。胡隆沒歎息曰。天下欲成吾事。高生捨我亡也。晉武太始中。欲封禪。乃至太康。議猶不定。竟不果行。孫皓遣兼司空董朝兼太常周處。至陽羨封禪國山。此朝君子有何功德。不思古道而欲封禪。皆是主好名於上。臣阿旨於下也。夫封禪者。不出正經。惟左傳說禹

會諸侯於塗山執玉帛者萬國亦不謂爲封禪鄭玄有參采之風不能推尋正經專信緯候之書斯爲謬矣蓋禮云因天事天因地事地因名山升中於天因吉土享帝於郊燔柴岱宗卽因山之謂矣故曲禮云天子祭天地是也又祈穀一報穀一禮乃不顯祈報地推文則有樂記云大樂與天地同和太禮與天地同節和故百物不失節故祀天祭地百物不失者天生之地養之故知地亦有祈報是則一年三郊天三祭地周官有員丘方澤者總爲三事郊祭天地故小宗伯云兆五帝於四郊此卽月令迎氣之郊也舜典有歲二月東巡狩至於岱宗夏南秋西冬北五年一周若爲封禪何其數也此爲九郊亦皆正義至如大旅於南郊者非常祭也大宗伯國有大故則旅上帝月令云仲春玄鳥至祀於高禘亦非常祭故詩云克禋克祀以弗無子并有雩禱亦非常祭禮云雩祭水旱也是爲合郊天地有三特郊天有九非常祀又有三孝經云宗祀

文王於明堂以配上帝，雩祭與明堂雖是祭天而不在郊，是爲天祀有十六地祭有三，惟大禘祀不在此數。大傳云：王者禘其祖之所自出，以其祖配之，異於常祭。以故云大於時祭。案繫辭云：易之爲書也，廣大悉備，有天道焉，有地道焉，有人道焉，兼三才而兩之，故六六者非他，三才之道也。乾象云：大哉乾元，萬物資始，乃統天雲行雨施，品物流形。大明終始，六位時成，此則應六年一祭坤元亦爾。誠敬之道盡此而備。至於封禪，非所敢聞。梁書許懋傳時有智懋以爲不可因建議

駁明堂儀注

禮云：大裘而冕。祀昊天上帝，亦如之。良由天神尊遠，須貴誠質。今泛祭五帝，理不容文。梁書許懋傳

謝廣

廣齊末爲祠部郎人梁

時祭東城廟議

初祭是四時常祭首月既不可移易宜依前尅日於東廟致齋

禮儀志二 中興二年四月梁武帝卽皇帝位祠部郎謝廣又議帝從之

陸瑋

瑋仕齊入梁爲國子博士

郊祀一獻議

宗祧三獻義兼臣下上天之禮主在帝王約理申義一獻爲允

禮儀志一天監七年帝以一獻爲質三獻則文事天之道理不應然詔下詳議博士陸瑋明山賓禮官同馬駿以爲云云自是天地之祭皆一獻

郊祀服章議

祭天猶存埽地之質而服章獨取黼黻爲文於義不可今南郊神座皆用衽席此獨梵類未盡質素之理宜以橐秸爲下籍蒲越爲上席又司服云王祀昊天服大裘明諸臣禮不得同自魏以來皆

用裘服今請依古更制大裘隋書禮儀志

一天監七年

又議

尋大裘之制唯鄭玄注司服云大裘羔裘也既無所出未可爲據案六冕之服皆玄上纁下今宜以玄纁爲之其制式如裘其裳以纁皆無文繡冕則無旒同上

明山賓

山賓字孝若平原鬲人宋齊徵士僧紹子仕齊爲州從事史奉朝請始安王遙光撫軍行參軍廣陽令梁臺建歷相府田曹參軍尚書駕部郎遷治書侍御史右軍記室參軍天監初選爲五經博士遷北中郎諮議參軍中書侍郎國子博士太子率更令中庶子出爲持節征遠將軍北兖州刺史普通中歷太子右衛率給事中御史中丞黃門侍郎司農卿散騎常侍領青冀二州大中正東宮博士兼國子祭酒假節行北兖州事大通元年卒

年八十五贈侍中信威將軍諡曰質子有吉禮儀注二百六卷
錄一卷禮儀二十卷孝經喪禮服義十五卷

薦朱昇表

竊見錢唐朱昇年時尚少德備老成在獨無散逸之想處闇有對
賓之色器宇弘深神表峯峻金山萬丈緣陟未登玉海千尋窺映
不測加以珪璋新琢錦組初構觸響鏗鏘值采便發觀其信行非
惟十室所稀若使負重遙途必有千里之用

梁書朱昇傳

郊不應裸議

表記天子親耕潔盛鉅鬯以事上帝蓋明堂之裸耳郊不應裸

禮記

禮儀志一天監三年博士明山賓議帝從之

省牲牽牲讚牲議

案郊廟省牲日則廩犧令牽牲太祝令讚牲祭之日則太尉牽牲
郊特牲云社者神地之道國主社稷義實爲重今公卿貴臣親執

盛禮而令微吏牽牲頗為輕末且司農省牲又非其義太常禮官

實當斯職禮祭社稷無親事牽通典作無之文謂宜以太常省牲

廩犧令牽牲太祝令讚牲隋書禮儀志二天監四年明

二郊同日議

伏尋制旨周以建子祀天五月祭地殷以建丑祀天六月祭地夏

以建寅祀天七月祭地自頃代以來南北二郊同用夏正隋書禮儀志一

天監五年明山齊

又議

二儀並尊三朝慶始同以此日二郊為允并請迎五帝於郊皆以

始祖配饗及郊廟受福唯皇帝再拜明上靈降祚臣下不敢同也

同上詔

並依議

祿用雞彝牛彝議
尊彝之制祭圖惟有三樽一曰象樽周樽也二曰山罍夏樽也三

曰著樽殷樽也徒有彝名竟無其器直酌象樽之酒以爲珪瓚之
寶竊尋裸重於獻不容其樽宜循彝器以備大典案禮器有六彝
春祠夏禘裸用雞彝鳥彝王以珪瓚初裸后以璋瓚亞裸故春夏
兩祭俱用二彝今古禮殊無復亞裸止循其二春夏雞彝秋冬牛
彝庶禮物備也

隋書禮儀志二天
監五年明山賓議

又議

臣愚管不奉明詔則終年乖舛案鳥彝是南方之物則主火位木
生於火宜以鳥彝春夏兼用

同上帝曰雞是金禽亦主巽位但金
火相伏用之通夏於義爲疑山賓云

云帝
從之

迎氣服大裘議

周官祀昊天以大裘祀五帝亦如之頃代郊祀之服皆用袞冕是
以前奏迎氣祀五帝亦服袞冕愚謂迎氣祀五帝亦宜用大裘禮
俱一獻

隋書禮儀志二天監八
年明山賓議帝從之

答釋法雲書難范縝神滅論

辱告惠示敕旨答臣下審神滅論源深趣遠豈鹿兔所測隨類得解或亦各欣其所見奉以周旋不勝舞躍法師學冠一時道叶千載起予之寄允在明德想弘宣妙旨無復遺蘊邪弟子業謝專經智非通議豈能仰述淵猷讚揚風教論者限以視聽豈達曠遠目覩百年心惑三世謂形魄既亡神魂俱滅斯則既達釋典復乖孔教矣焉可與言至道語妙理者哉夫明則有禮樂幽則有鬼神是以孔宣垂範以知死酬問周文立教以多才代終詩稱三后在天書云祖考來格且濠上英華著方生之論柱下叡哲稱其鬼不神爲薪而火傳交臂而生謝此皆陳之載籍彰彰甚明者也夫緣假故有滅業造故無常是以五陰合成終同煙盡四微虛構會均火滅竊謂神明之道非業非緣非業非緣故雖遷不滅能緣能業故苦樂殊報此能仁之妙唱縉紳之所仰也雖教有殊途理還一致

今棄周孔之正文背釋氏之真說未知以此將欲何歸正法住世
尚有斷常之說况像法末流而無異端之論有神不滅乃三聖同
風雖典籍著明多歷年所通儒碩學竝未能值皇上智周空有照
極神源爰發聖衷親染神翰弘獎至教啟悟重昏令夫學者永祛
疑惑眷逮不遺使得預餐風訓沐浴頂戴良兼欣戢明山賓和南
弘明集十

周捨

捨字昇逸汝南安成人齊太學博士驕子爲太學博士遷後軍
行參軍丹陽主簿梁臺建爲太常及受禪拜尚書祠部郎歷後
軍記室參軍秣陵令入爲中書通事舍人遷太子洗馬散騎常
侍中書侍郎鴻臚卿尚書吏部郎太子右衛率右衛將軍明威
將軍右驍騎將軍除侍中領步兵校尉遷員外散騎常侍太子
左衛率加散騎常侍遷太子詹事普通五年卒贈侍中護軍將

軍謚曰簡子有集二十卷

改奏三夏議

禮王入奏王夏大祭祀與朝會其用樂一也而漢制皇帝在廟奏永至樂朝會之日別有皇夏二樂有異於禮爲乖宜除永至還用皇夏又禮尸出入奏肆夏賓入太門奏肆夏則所設唯在人神其與迎牲之樂不可慙也宋季失禮頓虧舊則神入廟門遂奏昭夏乃以牲牢之樂用接祖考之靈斯皆前代之深疵當今所宜改也

隋書音樂志上天監初周捨議以爲

元會受玉議

案周禮冢宰大朝覲贊玉幣尚書古之冢宰頃王若不親撫玉則不復須冢宰贊助尋尚書主客曹郎既冢宰隸職今元日五等襲玉既竟請以主客郎受鄭玄注覲禮云既受之後出付玉人於外漢時少府職主珪璧請主客受玉付少府掌

隋書禮儀志四元日受玉等

質圭璧並量付所司周
捨云云又見通典七十

金輅議

金輅爲齊車本不關於祭祀

通典六十四天監七年帝據周禮王輅以祀金輅以賓今祀乘金輅詔下

詳議周捨謂云云

袞服議

詔旨以王者袞服宜畫鳳皇以示差降按禮有虞氏皇而祭深衣而養老鄭玄所言皇則是畫鳳皇羽也又按禮所稱雜服皆以衣定名猶加袞冕則是袞衣而冕明有虞言皇者是衣名非冕明矣畫鳳之旨事實灼然隋書禮儀志六天監七年周捨議制可又見通典六十一

安成始興二王爲慈母服議

質彥先稱慈母之子不服慈母之黨婦又不從夫而服慈姑小功服無從故也庾蔚之云非徒子不從母而服其黨孫又不從父而服其慈母由斯而言慈祖母無服明矣尋門內之哀不容自同於

常按父之祥禫子並受弔今二王諸子宜以成服日單衣一日爲位受弔

梁書司馬筠傳天監七年安成太妃陳氏薨安成王季始興王憺並以慈母表解職舍人周捨議又南史七十一

又議

禮云縞冠玄武子姓之冠則世子衣服宜異於常可著細布衣絹爲領帶三年不聽樂又禮及春秋庶母不世祭蓋謂無王命者耳吳太妃既朝命所加得用安成禮秩則當祔廟五世親盡乃毀陳太妃命數之重雖則不異慈孫既不從服廟食理無傳祀子祭孫止是曾經文

梁書司馬筠傳又南史七十一

釋奠會議

釋奠仍會既惟大禮請依東宮元會太子著絳紗襪樂用軒懸預升殿坐者皆服朱衣

隋書禮儀志四天監八年皇太子釋奠周捨議

丹陽琅邪二郡斷菹捕議

禮云君子遠庖廚血氣不身翦見生不忍其死聞聲不食其肉此

皆卽日興仁非關及遠三軀之禮向我者舍背我者射

廣弘明集卷二十六

鼎銘

天下寧康異方同軌九牧作貢百司咸理範金鑄器戒鎮階庀波

圓月鏡傳之無已

藝文類聚卷七十三

司馬駿

駿字元素河內溫人仕齊爲奉朝請遷王府行參軍天監初堂
治嘉禮除尚書祠部郎中歷步兵校尉兼中書通事舍人遷正
員郎鎮南諮議參軍進尚書右丞出爲仁威長史長沙內史還
除雲騎將軍御史中丞出爲宣毅南康王長史行府國并石頭
戍事遷明威將軍晉安王長史有嘉儀禮注一百十二卷錄三
卷集九卷

東宮樂議

旣於崇正殿宴會太子臨座其事重宜依禮會奏金石軒懸之樂

通典一百四十七天監六年仁威府長史司馬駱議

荅釋法雲書難范縝神滅論

辱告惠示救難滅性論竊以洪波慈被道冠眾靈智照淵凝理絕羣古七禪八慧之辨三空四諦之微故以煥乎載籍炳於通誥也所以優陀云喻如百首齊音同讚妙覺尚不能言萬分之一矣夫業生則報起因往而果來雖義微而事替亦理幽而證顯自近可以知遠尋邇可以探遐譬如日月懸天無假離朱之目鳴鐘在耳不勞子期之聽而議者自昏迷途難曉苟徇所懷坐顛坑穽伏覽皇上令旨理妙辭縹致極鉤深究至寂而更闡啟幽途而還晰雖復列聖齊鑪羣經聯奧靈山金口禪冰玉舌終不能舍此以求通違茲而得正信哉澡江漢之波塵滓以滌導德齊禮還風反化法俗兼通於是乎在付此言展方盡述讚弟子司馬駱呈

弘明集十

賜進士出身三品銜廣東等處提刑按察使司按察使兼管驛傳事務黃岡王毓藻校刊

全梁文卷五十八

全梁文卷五十九

烏程嚴可均校輯

柳澄

澄字文淵河東解人齊尚書令左光祿大夫世隆第四子歷給事黃門郎太子中庶子後爲始興王鎮北長史隨府遷鎮西長史蜀郡太守天監十二年卒贈寧遠將軍豫州刺史有集六卷賦體

飛轡竦兮不停陰徂川逝兮無暫舍白日出兮燦晚辰春雷奮兮動蘭夜竊匪報於儲闈叨洪恩於良駕何眇身之多幸濯微纓於

唐化

藝文類聚五十六

荅釋法雲書難范縝神滅論

辱告惠示敕荅臣下審神滅論淵旨冲邈理窮幾奧竊以修因趣果神無兩識由道得滅佛惟一性殷人示民有知孔子祭則神在

或理傳妙覺、或義闡生知、而楊墨紛綸、徒然穿鑿、疑滯逐往、將摘名教、聖情玄鑒、理證無間、振領持綱、舒張毛目、抑揚三代、汲引同歸、實假雙祛、朗然無礙、伏奉循環、疑吝俱盡、來告存及、悲抱惟深、

柳澄頓首白

弘明集十

謝綽

綽、陳郡陽夏人、天監初、廷尉卿、終少府卿、有宋拾遺十卷、集十一卷、

荅釋法雲書難范縝神滅論

綽和南辱告、蒙示敕荅臣下審神滅論、伏覽淵謨、用清魂府、既排短說、實啟羣疑、竊惟人生最靈、神用不極、上則知來藏往、次乃鄰席、入幾、以此觀之、理無可滅、是以巨儒伸其祀事、大慈照其生緣、內外發明、已足祛滯、况復天誨諄諄、引諭彌博、弘資始於黔黎、導識業於精爽、固令開蒙出障、坐測重玄、異端既絕、正路斯反、論者

慙其墨守范氏悟其膏肓預在有識孰不擊讚但弟子徒懷游聖
終惜管窺頂奉戴躍永懽脞諉謝綽和南

弘明集十

庾詠

詠仕齊未詳天監初累遷太常卿

荅釋法雲書難范縝神滅論

辱告惠示至尊荅臣下神滅論伏覽未周煙雲再廓竊惟蠕動有
知草木無識神滅瞽論欲以有知同此無識乃謂種智亦與形骸
俱盡此實理之可悲自非德合天地均大域中屬反流之日值飲
化之幾則二諦之言無以得被三世之談幾乎息矣聖上愍此四
生方淪六道研校孔釋其相提證使窮陸知海幽都見日至言與
秋陽同朗羣疑與春冰俱釋雖發論弘道德感冲襟而預聞訓誘
俯欣前業法師服膺法門深同此慶謹當讚味吟誦始終無斁弟

子庾詠和南

弘明集十

王琳

琳字孝璋琅邪人舉南徐州秀才尚義興公主拜駙馬都尉累

遷中書侍郎員外散騎常侍終司徒左長史

案後梁別有王琳見卷六十八

荅釋法雲書難范縝神滅論

辱告惠示至尊荅臣下審神滅論謹罄庸管恭覽聖製聲溢金石
理洞淵泉義貫六爻言該三世足使僻學知宗迷途識反弟子生
幸休明身叨渥澤復得傾耳天上拭目神藻彪赫之誠良無紀極
猥惠頒逮銘躍惟重弟子王琳荅

弘明集十

王錫

錫字公嘏琳第二子天監中爲國子生除秘書郎歷太子舍人
洗馬封永安侯除晉安王友普通初轉中書郎遷給事黃門侍
郎尚書吏部郎中去職時年二十四中大通六年卒贈侍中謚
曰貞子

宿山寺賦

脂車秣駟，薄暮來遊。入界道而遼朗，息祇樹而淹留。惟基構之所處，竇顯敞而高居。延層軒之迢遞，屬廣廡之踟躕。差繡栢而反宇，列緹柱而承隅。爾乃陟飛陛於峻峨，登步櫚於絕頂。既中天而升降，亦攀雲而遊騁。宇陰陰而怡曠，階肅肅而虛靜。朗華鍾之妙音，曜光燈之清影。其房則開窗木末，浮柱山叢。引含光之澄月，納白遠之輕風。因明兮目極，憑迴兮望通。平原今無際，連山今不窮。識生煙於岫裏，眄列樹於巖中。樹陵危而秀色，煙出遠而浮空。情迢迢於原野，心放曠於簾櫳。夜悠悠而何期，露瀼瀼而漸落。翫一葉之流螢，聆九野之鳴鶴。盟泉兮藉芳杜，入谷兮佩滋蘭。靜嘯兮疏煩，想獨往兮恣遊盤。信一致之易息，豈萬物之能干。就薄帷而安夜寢，迺高枕而極星闌。

廣弘明集二十九上

王希聯

希聃天監初廬陵太守

奏聞獲銅瑞劍

薄伐凶醜而龍淵耀質凶奴將滅白旗表徵

御覽三百四十二引梁書天監五年廬陵太守王希聃

紀天監五年四月丙申廬陵高昌之仁山獲銅劍二不載王希聃奏梁中書郎謝吳有梁書一百卷隋志僅存四十九卷御覽所引蓋謝吳本也

張緬

緬字元長范陽方城人武帝舅弘策子天監初襲丹陽縣侯起家秘書郎歷淮南武陵二郡太守御史中丞卒贈侍中有晉書鈔三十卷

答釋法雲書難范縝神滅論

尋三世晒然二果昭著安可惑六塵而不曉迷五途而長沒以爲形謝神滅骸亡識朽此外道之邪見豈可御瞿墨之正法所謂輕塵一旅敵堂堂之鋒輒馳驚駘與騏驎而並行恐長劫有盡領盡

方至一身死壞復受一身精神無異人畜隨緣涅槃明文瑞應高
說主上聖照幽深鏡察潭遠譬兩祭而知不滅喻妄作於背親義
隨入引而舛入言比性道而難聞弟子少遊弱水受戒樊鄧師白
馬寺期法師屢爲設生死之深趣亟說精神之妙言爾來歸心絕
此疑想復覩斯判益破魔徒非但聞覲於今方欲結緣於後徒知
歸信聞比求名猥惠沾示深承眷篤弟子張緬和南

張明
集十

陸璉

璉里系未詳武帝詔修五禮以璉及賀瑒嚴植之明山賓沈宏
爲五經博士有軍禮儀注一百九十卷錄二卷

荅釋法雲書難范縝神滅論

璉白逮告垂示敕荅臣下審神滅論伏讀天旨照鏡塵蒙弟子門
宗三寶少奉道訓雖誠歸至教識暗玄津謹尋內外羣聖開引殊
文如來說三乘以標一致言二諦以悟帶方先王銓五禮以通愛

敬宣六樂以導性靈或顯三世以徵因果或明神威以驗應實豈可頓排神源永絕緣識者哉若口則善惡之報虛陳祭敬之設爲妄求之情理其可安乎而昧惑之徒尙多偏執是以聖明立覽游神妙門動言出理皎若朝暉發文顯證朗如宵燭頓足開建愚昏信凡鄙者也伏習詔旨綜檢心源謹裁還白不宣抃舞弟子陸

璉呈

弘明集十

沈宏

宏吳興武康人天監初五經博士有春秋經解六卷春秋文苑六卷春秋嘉語六卷春秋五辨二卷

荅釋法雲書難范縝神滅論

弟子宏稽首和南辱告伏覽敕荅臣下審神滅論夫惟機難曉用晦易昏自非疑神斯鑒探頤斯朗豈能拯重霧於有感豈能運獨見於無明竊惟大聖御宇上德表物垂法雲以湛潤開慧日而增

案弘明集

五藻作天

環爰汲

作汲淵

含氣當
作合舉

暉遠比溟海近譬井幹寧今遂古孰能識乎此焉至如經喻雀飛
瓶在火滅字存禮云非類弗歆祭乃降祉且夢蘭以授鄭穆結草
以抗杜回凡此羣列不可悉紀又五道遞往六度同歸皆神之顯
驗不滅之幽旨但郗克躍足豈從邯鄲比蹤盧敖捷至寧與若士
齊跡今仰墜五藻俯逮剛提所謂若披重霧以攀合璧出幽夜而
眄燭龍短綆爰汲望瀾覘海實歡喜頂戴若無價寶珠沈宏頓首
和南弘明集十

顏縉

繕天監初累遷光祿勳

荅釋法雲書難范縝神滅論

猥枉明誥頒述敕旨審神不滅以荅臣下理據眇然表裏該妙所
以慧現獨宣舟梁含氣夫目所不覩帷屏為隔耳所不聞遐邇致
擁不得以不聞不見便謂無聲無物今欲詰內教當仗外書外書

不殊內教茲現書云魂氣無所不之佛經又曰而神不滅既內外符同神在之事無所多疑疑其滅者卽蜉蝣不知晦朔蟪蛄之非春秋靈識大椿之永久日月之無窮主上聖明超古微妙通神三世之旨有證孝饗之理斯允蒼生管見已晦而復曉晚俗淪冥既迷而更悟弟子宿植逢幸預從餐道投心慈氏歸敬誠深惟屏來緣可期載懷晷藻而已弟子顏繕呈

弘明集

孫挹

挹天監初爲倉部郎中

荅釋法雲書難范穎神滅論

辱告惠示敕荅臣下審神滅論伏奉欣仰喜不自支夫江海淵曠非井蛙所達泊然入定豈外道能干故一毛不動則衆邪退散舟航既濟而彼岸斯登聖后體蘊二儀德兼三代撫靈機而總極秉上智以調民發號施令則風行草偃臨朝尊默而化動如神隆五

東山明集
未作未

帝以比蹤超萬劫其方永猶復震全聲於指掌降妙思以發蒙理
既仰而方深趣彌鑽而踰遠均寶珠於無價齊蓮華之不塵孝敬
被乎羣黎訓範侔於先聖岐行喘息同識斯懼翻飛蠕動共陶茲
慶班告來臨用深榮荷謹頂受書紳永啟庸惑弟子孫挹和南明
集

劉洽

洽天監初太子中舍人

荅釋法雲書難范縝神滅論

辱告奉觀敕旨所荅臣下審神滅論伏披素札仰瞻玄談又貫韶
夏義測爰繫囊括經典牢籠述作弘彼正教垂之方簡希夷卓爾
難得而聞斟酌賢聖剖破毫髮兼通內外之塗語過天人之際矣
自非體茲至德思與神會豈能深明要道人知企及謹書諸紳永
以爲佩洽乎既人照若發蒙比故修詣共伸講復也弟子劉洽頓

首呈

弘明集十

王仲欣

仲欣天監初爲建康令

答釋法雲書難范縝神滅論

仲欣白辱告惠示詔所答臣下稽神滅論伏讀淵麗林不勝躍皇
帝報性自天機神獨遠五體外照三明內映金輪徐轉則道濟八
紘玉瓚既陳則孝隆七廟開慧目於清漢垂法雲於大千如在之
義重闢茲晨常住之明永證來劫故以德冠百王聲高萬古弟子
棲心法門崇信大典舞蹈之誠獨深鳧藻王仲欣和南

弘明集十

沈緄

緄爲豫章王功曹參軍

答釋法雲書難范縝神滅論

緄和南弟子竊以爲交求之道必取與爲濟至於瀆蒙不告則空

辨作辨

致憧憧儵魚之觀殆將可息所以自絕諗受崇深莫窺誠自愧也
徒以闇識因果循循局誠冀履霜不退堅冰可至耳而法師弘心
山藪幸能藏疾雖未升堂遂招以法流杜夷云召渴馬於滌泉不
待鞭策而至矣垂示上答臣下神滅論晨宵伏讀用忘疲寢構斯
法棟導彼迷流天屬既伸三世又辨鬼神情狀於焉可求然謂海
實廣廣孰能知謂天蓋高高不可測聖論鉤深旨超繫表蒙情易
駘而能是空銘末示終愧鑽仰弟子沈緄和南

弘明
集十

張翻

翻天監初揚州別駕

答釋法雲書難范縝神滅論

辱告伏見敕答臣下審神滅論盛旨窮機微言合道生知出六儒
之首自然該千聖之外至如感果之規理照三世孝饗之範義貫
百王妙會與春冰等釋至趣若秋旱共朗足使調闡變情榮跖移

志反澆風於遂古振瀄波平方冊英聲茂實粵不可尙法師精理之秀擅高日下俱沐聖化獨游神明深鑒道蘊洞識宗塗弟子昔聞師說悟太傅之旨今偶昌時奉不滅之訓信以照晷希蒙紆洗塵蓋足蹈手舞言象豈能勝張翻和南

弘明集十

郭祖暎

祖暎襄陽人武帝初起以客從後隨蔡道恭在司州陷北還爲長兼南梁郡丞徙後軍行參軍擢爲豫章鍾陵令員外散騎常侍普通末爲南津校尉加雲騎將軍

輿觀詣闕上封事

大梁應運功高百王慈悲旣弘憲律如替愚輩罔識禪慢斯作名競奢侈貪穢遂生頗由陛下寵勳太過馭下太寬故廉潔者自進無途貪苛者取入多徑直弦者淪溺溝壑曲鉤者升進重沓飾口利辭競相推薦訥直守信坐見埋沒勞渎勳厚祿賞未均無功側

人反加寵罷。昔宋人賣酒，大惡致酸。陛下之犬其甚矣哉。臣聞人爲國本，食爲人命。故禮曰：國無六年之儲，謂非其國也。推此而言，農爲急務。而郡縣苛暴，不加勸獎。本年豐歲，稔猶人有饑色。設遇水旱，何以救之？陛下昔歲尙學，置立五館，行吟坐詠，誦聲溢境。比來慕法，晉天信向，家家齋戒，人人懺禮，不務農桑，空談彼岸。夫農桑者，今日濟育功德者，將來勝因。豈可墮本勤末，置邇效驗也？今商旅轉繁，游食轉眾，耕夫日少，杼軸日空。陛下若廣興屯田，賤金貴粟，勤農桑者，擢以階級；惰耕織者，告以明刑。如此數年，則家給人足，廉讓可生。夫君子小人智計不同，君子志於道，小人謀於利。志於道者，安國濟人；志於利者，損物圖己。道人者，害國；小人也。忠良者，捍國；君子也。臣見疾者詣道士，則勸奏章；僧尼則令齋講。俗師則鬼禍須解，醫診則湯熨散丸，皆先自爲也。臣謂爲國之本，與療病相類。療病當去巫鬼，尋華扁爲國當黜佞邪，用管晏。今之所

任腹背之毛耳。論外則有勉捨。說內則有雲旻。雲旻所議則傷俗。威法勉捨之志。唯願安枕。江東主慈。臣恒息謀。外甸使中國士女。南望懷冤。若賈誼重生。豈不慟哭。臣今直言犯顏。罪或容宥。而乖忤貴臣。則禍在不測。所以不憚鼎鑊。區區必聞者。正以社稷計重。而螻蟻命輕。使臣言入身滅。臣何所恨。夫謀臣良將。何代無之。貴在見知。要在見用耳。陛下皇基兆運。二十餘載。臣子之節。諫爭是誰。執事皆同而不和。答問唯唯而已。入對則言聖旨神衷。出論則云誰敢逆耳。過實在下。而謫見於上。遂使聖皇降誠。躬自引咎。宰輔晏然。曾無謙退。且百僚卿士。黜有奉公。尸祿競利。不尙廉潔。聚金積錫。侍列如仙。不田不商。何故而爾。法者人之父母。惠者人之仇讐。法嚴則人思善。德多則物生惡。惡不可長。欲不可縱。伏願去貪濁。進廉平。明法令。嚴刑罰。禁奢侈。薄賦斂。則天下幸甚。謹上封事二十九條。伏願抑獨斷之明。少察愚瞽。

鄱下佛寺五百餘所，窮極宏麗。僧尼十餘萬，資產豐沃，所在郡縣不可勝言。道人又有白徒，尼則皆畜養女，皆不貫人籍。天下戶口幾亡其半，而僧尼多非法。養女皆服羅紈，其蠹俗傷法，抑由於此。請精加檢括，若無道行四十已下，皆使還俗附農。罷白徒養女，聽畜奴婢，婢唯著青布衣。僧尼皆令蔬食。如此，則法興俗盛，國富人殷，不然恐方來處處成寺，家家剃落，尺土一人，非復國有。

朝廷擢用勳舊，爲三陟州郡，不顧御人之道。唯以貪殘爲務，迫脅良善，害甚豺狼。江湘人尤受其弊。自三關以外，是處遭毒，而此勳人投化之始，但有一身及被任用，皆募部曲，而楊徐之人逼以眾役，多投其募，利其貨財，皆虛名上簿，止送出三津，名在遠役，身歸鄉里。又懼本屬檢問，於是逃亡他境，僞戶之興，良由此故。

梁興以來，發人征役，號爲三五。及投募將客，主將無恩，存卹失理，多有物故，輒刺叛亡，或有身殞戰場，而名在叛目，監符下討，稱爲

通叛錄質家丁合家又叛則取同籍同籍又叛則取比伍比伍又叛則望村而取一人有犯則合村皆空雖肆管時降蕩滌惟始而監符猶下舊日限以嚴程上下任信下轉相督促臺使到州州又遣押使至郡州郡競急切同趣下城令宰多庸才望風畏伏於是歛戶課薦其筐篚使人納重貨許立空文其百里微欲矯俗則嚴科立至自是所在恣意貪利以事上官

請斷界首將生口入北及關津廢替須加糾擿

廬陵年少不宜鎮襄陽左僕射王暕在喪被起爲吳郡曾無辭讓請復郊四星南史七十郭淑淡傳帝溺情內敘朝政縱弛祖湛勸直羅爲像柳請闕上封事其略云云帝雖不能悉用然嘉其正

章鍾陵令

何憫

憫字彥夷東海鄒人位至臺郎

拍張賦

東方曼倩發憤於侏儒遂與火頭食子稟賜不殊南史三十何遜傳

何遜

遜字仲言。憫從兄子。宋御史中丞承天曾孫。州舉秀才。天監中。爲奉朝請。遷中衛建安王水曹行參軍。隨府遷江州。還爲安西。安成王參軍。兼尙書水部郎。除仁威廬王記室。復隨府江州。有集七卷。

窮鳥賦

嗟窮鳥之小鳥。意局促而馴擾。聲寓物而知哀。翻排虛賦文類聚作空而不矯。望絕侶於霞夕。聽翔羣於月曉。既滅志於雲霄。遂甘心於園沼。時復搶榆枋。至觸案窮歸。若絕氣而自墮。似驚弦之不飛。同雞埒而共宿。啄雁稗以爭肥。異海鷗之去就。無青鳥之是非。豈能瑞周德而丹羽。感燕悲而素暉。雖有知於理會。終失悟於心機。初學記三

十又略見藝文類聚九十二

與建安王謝秀才牋

州民泥塗何遜死罪。卽日被板。以民充年秀才。民謝聲。口口口非
關右月旦。口口口名。誰錄覩物。託興乏澹雅之才。口口口文。豈飄
然之作。伏惟大王殿下。令聞令望。邁楚逾河。好德好士。雲歸海赴。
若夫選重雄州。望隆觀國。必使聲高後進。德繼前修。民學異扣鐘
辨。慚矣。輟將以允應貢選。待問金門。上第甲科。旣慚髣髴。管窺雖
畫。彌畏友朋。恩榮忽賁。固請無涯。便當安忝魯服。濫同齊吹。戰荷
屏營。忻惶共色。不任下情。謹奉牋以聞。

爲孔導辭建安王牋

士實塗泥。美非竹箭。昔逢際會。忝申名質。悠悠漢水。獨驚輕舟。雖
慕義知歸。而暗投多思。遂禮頻上席。愛比後車。感此隆遇。久知輕
死。軒蓋出內。歷念陪遊。府朝升進。隨事多幸。賜餘論於顏色。奉德
音於宴和。藉此增榮。遂延繆價。今便除名。復足在寬。身非木石。

戀同犬馬雖朝夕曳裾無連接侍而職務一離有同賓客瞻階下拜屑涕無從永言僚故載懷罔已頡頏之禽慚悲於出幕蒙茸之獸結志於首丘

爲衡山侯與婦書

昔人邀遊洛內會遇陽臺神仙髣髴有如今別帳前微笑涉想猶存而幄裏餘香從風且歇掩屏爲疾引領成勞鏡想分鸞琴悲別鶴心如膏火獨夜自煎思等流波終朝不息始知萋萋萱草忘憂之言不實團團輕扇合歡之用爲虛路邇人遐音塵寂絕一日三秋不足爲喻聊陳往翰盛寫款懷遲枉瓊瑤慰其杼軸藝文類聚案前明張紘所刻集本有七召張溥本從之七召出文苑英華三百五十二在簡文帝七廟之後無名氏前不言何遜作葉紹泰又編入昭明集皆無所據也今入梁闕名類

徐緄

緄天監初歷黃門郎

答釋法雲書難范縝神滅論

縝和南辱告并逮示敕答神滅論伏覽淵旨疏心蕩累縈惟希夷之本難尋妙密之源莫覩自非上聖無以談其宗非夫至睿焉能導其極皇上窮神體寂鑒道居微發德音則三世自彰布善言而千里承響誠叶禮敬義感人祇理扇玄風德被幽顯悠悠巨夜長昏候曉蠢蠢愚生一朝獨悟勵鹿苑之潛功樹法流於日用鴻名永播懋實方馳迷滯知反淪疑自息弟子歸向早深倍兼抃悅輒奉以周旋弗敢云墜但蠡測管窺終懷如失耳徐縝和南

集明十

王靖

靖天監初爲公論郎

答釋法雲書難范縝神滅論

垂示聖旨答臣下審神滅論伏惟至尊華拱巖廊游心萬古居無棄日道勝惟機爰訪羣下恢弘孝義資藻淵玄理深樞極自非聰

明徇齊之君就日望雲之主豈有剖判冥寂明章雅論開大聖於
須臾定俗疑於俄頃非惟理測宸衷亦乃義切臣子含和飲德之
邦衣裳道素之域莫不傾首仁澤沐浴唐風弟子江淮孤身不學
無術雖復從師北面一經不明縱憶舊文豈伊髣髴五經紛綸事
類弘博神明之旨其義多端至如金石絲竹之響公旦代武之說
盛非聖旨且祭義而談尤爲顯據若論無神亦可無聖許其有聖
便應有神理且炳然豈容寂絕弟子所見庸淺無以宣揚至澤既
涉訪逮輒率所懷弟子王靖和南

弘明
集十

賜進士出身三品銜廣東等處提刑按察使司按察使兼管驛傳事務黃岡王毓藻校刊

全梁文卷六十

烏程嚴可均校輯

吳均

均一作筠字叔庠吳興故鄣人天監初爲郡主簿歷建安王偉
記室補國侍郎兼府城局還徐奉朝請有范曄後漢書注九十
卷齊春秋三十卷廟記十卷十二州記十六卷錢唐先賢傳五
卷續文釋五卷集二十卷

八公山賦

嶮極之山蓄聖表仙南參差而望越北邇迤而懷燕爾其盤柏基
固含陽藏霧絕壁嶮巖層巖迴互桂皎月而常圓雲望空而自布
袖以華闔帶以潛淮文星亂石藻日流壻若夫神基巨鎮而卓犖
荆河箕風畢雨育嶺生我高岑直今蔽景修坂出兮架天以迎雲
而就日若從漢而迴山露泣葉而原淨花照磯而岫鮮促嶂萬尋

平崖億絕上破紫而煙生傍帶花而來雪維英王兮好仙會八公
兮小山駕飛龍兮翩翩高馳翔兮冲天

藝文類聚七

吳城賦

古樹荒煙幾百千年云是吳王所築越王所遷東有罅劒殘水西
有舞鶴故壘紫具區之廣澤帶姑蘇之遠山僕本蓄怨于悲億恨
況復荆棘蕭森叢蘿彌蔓亭梧百尺皆歷地而生枝階筠萬丈或
至杪而無葉不見春荷夏槿唯聞秋蟬冬蝶木魅晨走山鬼夜驚
不知九州四海乃復有此吳城

藝文類聚六十三
初學記二十四

筆格賦

幽山之桂樹恆縈風而抱霧葉委鬱而陸離根縱橫而盤互爾其
負霜含液枝翠心赤翦其匡條爲此筆格下跌則岩岩方爽似華
山之孤生上管則員員峻逸若九疑之爭出長對坐而銜煙永臨

窗而儲筆

藝文類聚
五十八

碎珠賦

寶月生焉。越浦隋川。標魏之美。擅楚之賢。既登席而趨麗。亦綴履而升妍。豈銜恩以赴時。獨佩皎而騰天。瀛淮激電。甘海震雷。明珠碎矣。于川之隈。視員流而失轉。見折水之喪迴。謝驪宮之瑞飾。粉靈蚌之神胎。若有人兮。聲芒昧。芳徽斷兮。明珠碎。明珠碎兮。愴何宣珠之形兮。藝文類聚作珠今珠兮不復全。撫陸離之瓊佩。弔幽翳之金筵。豈照車與璿燭。但黃塵及寒煙。聊歌曰。玉山之津兮。已濡幽蘭之草兮。亦舒又閨珩璧之獨照。不見掌上之明珠已矣哉。若使青雲之可尚。當與碎珠而同棲。初學記二十七又略見藝文類聚八十四

橘賦

增枝之木。既稱英於綠地。金衣之果。亦委體於玉盤。見雲夢之千樹。笑江陵之十蘭。葉葉之雲共琉璃。而並碧。枝枝之日與金輪。而其丹若乃秋夜初露。長郊欲素。風齋寒而北來。雁銜霜而南渡。方

散藻於年深遂凝貞於冬暮

藝文類聚
八十六

揚州建安王讓加司徒表

臣聞玄黃之馬事絕於銜鑣蟠朽之材飾乖於丹漆何則千里之志已窮萬乘之器無取遠物近身於焉在譬

藝文類聚
四十七

與施從事書

故鄣縣東三十五里有青山絕壁干天孤峯入漢緣嶂百重青川萬轉歸飛之鳥千翼競來企水之猿百臂相接秋露爲霜春蘿被逕風雨如晦雖鳴不已信足蕩累頤物悟裏散賞

藝文類
聚七

與朱元思書

風煙俱淨天山共色從流飄蕩任意東西自富陽至桐廬一百許里奇山異水天下獨絕水皆漂碧千丈見底游魚細石直視無礙急湍甚箭猛浪若奔夾峯高山皆生寒樹負勢競上互相軒邈爭高直指千百成峯泉水激石泠泠作響好鳥相鳴嚶嚶成韻蟬則

千轉不窮，援則百叫無絕。鳶飛戾天，蒼望峯息心。經綸世務者，竊谷忘反。橫河上蔽，在晝猶昏。疏條交映，有時見日。藝文類聚七

與顧章書

僕去月謝病還覓，薛蘿梅溪之西，有石門山者。森壁爭霞，孤峯限日。幽岫含雲，深溪蓄翠。蟬吟鶴唳，水響猿啼。英英相雜，綿綿成韻。既素重幽居，遂葺宇其上。幸富菊華，偏饒竹實。山谷所資，於斯已辦。仁智所樂，豈徒語哉。藝文類聚八

檄江神責周穆王壁

昔穆王南巡，自郢徂閭，遭我文壁。僉曰：此津貫緯百紀，荐歷千春。念茲文壁，故問水濱。江漢助之，自求多益。反我名瑞，躍此華璧。則富有漢川，世爲江伯。如有負穢心迷，懷歟情賊。藏玉泥中，匿珪魚腹。使公孫躡波而長呼，子羽濟川而怒目。伏飛舞劍而東臨，留臣躍馬而南逐。打素蛤而爲粉，碎紫貝其如粥。又有川人勇俊，處平

閭濮水居百里泥行萬宿右睨而河傾左咤而海覆乃把昆吾之
銅純鉤之鐵被魚鱗之衣赴螺蚌之穴引澍東隅移燠北島使蓬
萊之根鬱而生塵瀛洲之足淨而可掃按躡龍取其領下之珠摺
鯨魚拔其眼中之寶皇恩所被繁枯潤涸威之所加窮河絕漠願
子三思反此明玉

蘇文類聚
八十四

食移

月光離畢風氣入箕細雨如網細柳如絲離隔東西之怨眺望山
川之阻企龍門而不見覽桂枝而延佇此乃方寸之恆情羌難得
而覩縷也亦有鮑叔分財華歆讓位乃相知於平生實忘懷於寤
寐難有呼羣之德鹿有食草之美在微物其尙然況仁義之君子
哉今足下居則廣廈高堂連闥洞房綺窗半卷屏風角張指天地
如一指安知故人之可傷一死一生乃知交情一貴一賤交情乃
見謂古昔之恆談在今日而方見嗚呼如何忘我實多卿欲彈琴

縱酒於首陽之阿。君有廚中腐肉。而僕不厭糟糠。君有雁鰲之食。而余不得一嘗。願以小人之腹。爲君子之腸。何如哉。今欲君之餘。江皋綠菰之筍。洞庭紫蠶之魚。昆山龍胎之脯。元圃鳳足之菹。千里尊羹。萬丈名膾。氣馨若蘭。色美如艾。扶南甘蔗。一丈三節。白日炙便銷。清風吹卽折。安定之梨。皮薄味厚。一歲三花。一枚二升。凡厥上味。惟君能施。君若不施。成君深累於神。爲不祥於人。爲慙義。救文類聚

餅說

宋公至長安。得姚泓時故太官丞程季者。了了人也。公曰。今日之食。何者最先。季曰。仲秋御景。離蟬欲靜。燮燮曉風。淒淒夜冷。臣當此景。唯能說餅。公曰。善。季乃稱曰。安定噎鳩之麥。洛陽董德之磨。河東長若之葱。隴西舐背之犢。枹罕赤髓之羊。張掖北門之豉。然以銀屑煎。以金縹。洞庭負霜之橘。仇池連蒂之椒。調以濟北之鹽。

劉以新豐之雞細如華山之玉屑白如梁甫之銀泥既聞香而口

悶亦見色而心迷公曰善

藝文類聚七十二
細覽八百六十

連珠

蓋聞豔麗居身而以娥媚入姬貞華炤物而以絕等見猜是以班

姬辭寵非無妖冶之色揚子守玄豈乏炫曜之才

藝文類聚五十
七文苑英華七

百七十一

蓋聞義夫投節未必識君烈士赴危非期要利是以墨子紫帶不

蒙肉食之謀申胥泣血非有執珪之位

同上

劉勰

勰字彥和東莞莒人天監初爲奉朝請中軍臨川王記室遷車

騎倉曹參軍出爲太末令除仁威南康王記室兼太子通事舍

人遷步兵校尉後變服爲僧改名慧地有文心雕龍十卷

文心雕龍序

夫文心者言爲文之用心也昔涓子琴心王孫巧心心哉美矣夫
故用之焉古來文章以雕緝成體豈取囁爽羣言雕龍也夫宇宙
絳邈黎獻紛雜拔萃出類智術而已歲月飄忽性靈不居騰聲飛
實制作而已夫肖貌天地稟性五才擬耳目於日月方聲氣乎風
雷其超出萬物亦已靈矣形甚草木之脆名踰金石之堅是以君
子處世樹德建言豈好辯哉不得已也予齒在踰立嘗夜夢執丹
漆之禮器隨仲尼而南行旦而寤迺怡然而喜曰大哉聖人之難
見也迺小子之垂夢歟自生人以來未有如夫子者也敷讚聖旨
莫若注經而馬鄭諸儒弘之已精就有深解未足立家唯文章之
用實經典枝條五禮資之以成六典因之致用君臣所以炳煥軍
國所以昭明詳其本源莫非經典而去聖久遠文體解散辭人愛
奇言貴浮詭飾羽尚畫文繡聲悅離本彌甚將遂訛濫蓋周書論
辭貴乎體要尼父陳訓惡乎異端辭訓之異宜體於要於是擲筆

和墨乃始論文詳觀近代之論文者多矣至如魏文述典陳思序書應瑒文論陸機文賦仲洽流別引範翰林各照隅隙鮮觀衢路或臧否當時之才或銓品前修之文或汎舉雅俗之旨或撮題篇章之意魏典密而不周陳書辯而無當應論華而疏略陸賦巧而碎亂流別精而少功翰林淺而寡要又君山公幹之徒吉甫士龍之輩汎議文意往往閒出並未能振葉以尋根觀瀾而索源不述先哲之誥無益後生之慮蓋文心之作也本乎道師乎聖體乎經酌乎緯變乎騷文之樞紐亦云極矣若乃論文敘筆則圓別區分原始以表末釋名以章義選文以定篇敷理以舉統上篇以上綱領明矣至於割情析表籠罔條貫摘神性圖風勢苞會通開聲字崇贊於時序褒貶於才略惛悵於知音耿介於程器長懷序志以馭羣篇下篇以下毛目顯矣位理定名彰乎大易之數其爲文用四十九篇而已夫銓敘一文爲易兩綸羣言爲難雖復輕采毛髮

深極骨髓或有曲意密源似近而遠辭所不載亦不勝數矣及其
品評成文有同乎舊談者非雷同也勢自不可異也有異乎前論
者非苟異也理自不可同也同之與異不屑古今擘肌分理唯務
折衷案轡文雅之場而環絡藻繪之府亦幾乎備矣但言不盡意
聖人所難識在餅管何能矩矱茫茫往代既洗予聞眇眇來世儻
塵彼觀

梁書謝靈運傳又略見南史七十二御覽六百一

滅惑論

或造三破論者義證庸近辭體鄙拙雖至理定於深識而流言惑
於淺情委巷陋說誠不足辨又恐野聽將謂信然聊擇其可採略
標雅致

三破論云道家之教妙在精思得一而無死入聖佛家之化妙在
三昧神通無生可冀詔死爲泥洹未見學死而不得死者也滅惑
論曰二教眞僞煥然易辨夫佛法練神道教練形形氣必終礙於

一垣之裏神識無窮再撫六合之外明者資於無窮教以勝慧闇者戀其必終誑以仙術極於餌藥慧業始於觀禪禪練真識故精妙而泥洹可冀藥駐僞器故精思而翻騰無期若迺棄妙寶藏遺習養身據理尋之其僞可知假使形翻無際神暗爲飛戾天盜免爲鳥夫泥洹妙果道惟常住學死之談豈析理哉

二破論云若言太子是教主主不落髮而使人髡頭主不棄妻而使人斷種實可笑哉明知佛教是滅惡之術也伏聞君子之德身體髮膚受之父母不敢毀傷孝之始也滅惑論曰太子棄妻落髮事顯於經而反白爲黑不亦罔乎夫佛家之孝所苞蓋遠理由平心無繫於髮若愛髮棄心何取於孝昔泰伯虞仲斷髮文身夫子兩稱至德中權以俗內之賢宜修世禮斷髮讓國聖哲美談況般若之教業勝中權菩提之果理妙克讓者哉理妙克讓故捨髮取道業勝中權故棄迹求心準以兩賢無闕於孝鑒以聖境夫何怪

案宏明作
更作太
京索作
亥嬰

乎

第一破曰入國而破國者誑言說偽興造無費苦剋百姓使國空
民窮不助國生人滅損況人不蠶而衣不田而食國滅人絕由此
爲失日用損廢無纖毫之益五災之害不復過此滅惑論曰大乘
圓極窮理盡妙故明二諦以遣有辨三空以標無四等弘其勝心
六度振其苦業誑言之訕一作訕豈傷日月夫塔寺之興闡揚靈教
功立一時而道被千載昔禹會諸侯玉帛萬國至於戰伐存者七
君更始政阜民戶殷盛赤眉兵亂千里無煙國滅人絕蓋此之由
京索之時石穀十萬景武之世積粟紅腐非秦末多沙門而漢初
無佛法也驗古準今何損於政

第二破曰人家而破家使父子殊事兄弟異法遺棄二親孝道頓
絕憂娛各異歌哭不同骨肉生讎服屬永棄悖化犯順無昊天
之報五逆不孝不復過此滅惑論曰夫孝理至極道俗同貫雖內外

食下脫
則字
如當作權

迹殊而神用一揆若命綴俗因本修教於儒禮運稟道果固弘孝
於梵業是以諮親出家法華明其義聽而後學維摩標其例豈忘
本哉有由然也彼皆照悟神理而鑑燭人世過馳馬於格言逝川
傷於上哲故知瞬息盡養無濟幽靈學道拔親則冥苦永滅審妙
感之無差別勝果之可必所以輕重相權去彼取此若乃服制所
施事由追遠禮雖因心抑亦治世昔三皇至治堯舜所慕死則衣
之以薪葬之中野封樹弗修其斬無紀豈可謂三皇教民棄於孝
乎爰及五帝服制煥然未聞堯舜執禮追責三皇三皇無責何獨
疑佛佛之無服理由拔苦三皇廢喪事治淳樸淳樸不疑而拔苦
見尤所謂朝三暮四而喜怒交設者也明知聖人之教觸感圓通
三皇以淳樸無服五帝以治情制喪釋迦拔苦故棄俗反真檢迹
異路而玄化同歸

第三破曰人身而破身人生之體一有毀傷之疾二有光頭之苦

三有不孝之逆。四有絕種之罪。五有亡體從誠。惟學不孝。何故言哉。誠令不跪父母。便競從之。兒先作沙彌。其母後作阿尼。則跪其兒。不禮之教。中國絕之。何可得從。滅惑論曰。夫棲形稟識。理定前業。入道居俗。事繫因果。是以釋迦出世。化洽天人。御國統家。並證道跡。未聞世界普同出家。良由緣感不二。故名教有二。縉紳沙門。所以殊也。但始拔塵域。理由戒定。妻者受累。髮者形飾。受累傷神。形飾乖道。所以澄神滅愛。修道棄飾。理出常均。教必翻俗。若乃不跪父母。道尊故也。父母禮之。尊道故也。禮新冠見母。其母拜之。喜其備德。故屈尊禮卑也。介冑之士。見君不拜。重其秉武。故尊不加也。緇弁輕冠。本無神道。介冑凶器。非有至德。然事應加恭。則以母拜子。勢宜停敬。則臣不跪君。禮典世教。周孔所制。論其變通。不由一軌。況佛道之尊。標出三界。神教妙本。羣致玄宗。以此加人。實尊冠冑。冠冑及禮。古今不疑。佛道加敬。將欲何怪。

三破論云佛舊經本云浮屠羅什改爲佛徒知其源惡故也所以
諸爲浮屠胡人凶惡故老子云化其始不欲傷其形故髡其頭名
爲浮屠況屠割也至僧禪後改爲佛圖本舊經云喪門喪門由死
滅之門云其法無生之教名曰喪門至羅什又改爲桑門僧禪改
爲沙門沙門由沙汰之法不足可稱滅惑論曰漢明之世佛經始
過故漢譯言音字未正浮音似佛桑音似沙聲之誤也以屠爲圖
字之誤也羅什語通華戎識兼音義改正三豕固其宜矣五經世
典學不因譯而馬鄭注說音字互改是以昭穆不祀謬師資於周
頌允塞宴安乖聖德於堯典至教之深蓋在兩字得意忘言莊周
所頌以文害志孟軻所譏不原大理惟字是求宋人申東豈復過
此

三破論曰有此三破之法不施中國本正西域何言之哉胡人無
義剛強無禮不異禽獸不信虛無老子入關故作形像之教化之

又云胡人粗獷欲斷其惡種故令男不娶妻女不嫁夫一國伏法自然滅盡滅惑論曰雙樹晦跡形像代興固已理精無始而道被無窮者矣案李叟出關運當周季世閉賢隱故往而忘歸接輿避世猶滅其迹況適外域孰見其踪於是姦猾祭酒造化胡之經理拙辭鄙廝隸所傳尋西胡怯弱北狄凶熾若老子滅惡棄德用刑何愛凶狄而反滅弱胡遂令獬狁橫行毒流萬世豺狼當道而狐狸是誅淪湮爲酷覆載無聞商鞅之法未至此虐伯陽之道豈其然哉且未服則設像無施信順則拏戮可息既佛教矣方加極刑一言失道眾僞可見東野之語其如理何

三破論曰蓋聞三皇五帝三王之徒何以學道並感應而未聞佛教爲是九皇忽之爲是佛教未出若是佛教未出則爲邪僞不復云云滅惑論曰神化變通教體匪一靈應感會隱現無際若緣在妙化則菩薩弘其道化在粗緣則聖帝演其德夫聖帝菩薩隨感

「晚也

現應殊教合契、未始非佛、固知三皇以來、感滅而名隱、漢明之敎、緣應而像現矣。若乃三皇德化、五帝仁敎、此之謂道、似非太上義、農敷治、未聞奏章、堯舜緝政、監旨書符、湯武抒暴、豈當餌丹五經、典籍、不齒天師、而求授聖帝、豈不悲哉。

三破論曰：道以氣爲宗、名爲得一、尋中原人士、莫不奉道、今中國有奉佛者、必是羌胡之種、若言非邪、何以奉佛、滅惑論曰：至道宗極、理歸乎一、妙法真境、本固無二、佛之至也、則空玄無形、而萬象並應、寂滅無心、而玄智彌照、幽數潛會、莫見其極、冥功用、靡識其然、但言萬象既生、假名遂立、梵言菩提、漢語曰道、其顯跡也、則金容以表聖、應俗則王宮以現生、拔愚以四禪爲始、進慧以十地爲階、總龍鬼而均誘、涵蠢動而等慈、權敎無方、不以道俗乖應、妙化無外、豈以華戎阻情、是以一音演法、殊譯共解、一乘敷敎、異經同歸、經典由權、故孔釋敎殊、而道契解同、由妙、故梵漢語隔、而化

通但感有精粗故敎分道俗地有東西故國限內外其彌綸神化
陶鑄羣生無異也故能拯拔六趣總攝大千道惟至極法惟最尊
然至道雖一岐路生迷九十六種俱號爲道聽名則邪正莫辨驗
法則眞僞自分案道家立法厥品有三上標老子次述神仙下襲
張陵太上爲宗尋柱史嘉逖實爲大賢著書論道實在無爲理歸
靜一化本虛柔然而三世弗紀慧業靡聞斯乃導俗之良書非出
世之妙經也若乃神仙小道名爲五通福極生天體盡飛騰神通
而未免有漏壽遠而不能無終功非餌藥德治業修於是愚狡方
士僞託遂滋張陵米賊述記昇天葛玄野豎著傳仙公思斯惑矣
智可罔與今祖述李叟則敎失如彼靈章神仙則體劣如此上中
爲妙猶不足算況效陵魯醮事章符設敎五斗欲拯三界以蚊負
山庸詎勝乎標名大道而敎甚於俗舉號太上而法窮下愚何故
知邪貪壽忌天含識所同故肉芝石華謫以翻騰好色觸情世所

海當作吐
若當作苦

臭異故黃書御女誑稱地仙肌革盈虛羣生共愛故寶惜浹漚以
灌靈根避災若病民之恆患故斬縛魑魅以快愚情憑威恃武俗
之舊風故利兵鈎騎以動淺心至於消災淫術厭勝奸方理穢詞
辱非可筆傳事合氓庶故比屋歸宗是以張角李弘毒流漢季盧
悚孫恩亂盈晉末餘波所被實蕃有徒爵非通侯而輕立民戶瑞
無虎竹而濫求租稅糜蕢產業蠱惑士女連連則蠹國世平則蠹
民傷政萌亂豈與佛同且夫涅槃大品靈比玄妙上清金容妙相
何羨鬼室空屋降伏天魔不慕幻耶之詐淨修戒行豈同畢券之
醜積弘誓於方寸孰與藏宮將於丹田響洪鐘於梵音豈若鳴天
鼓於昏闇校以形跡精麤已懸覈以至理真僞豈隱若以癡笑精
以僞誘真是瞽對離朱曰我明也

弘明集八

剡縣石城寺彌勒石像碑銘

夫道源虛寂冥機通其感神理幽深玄德司其契是以四海將靈

先入感鳳之寶九河方道言已致應龍之書况種智圓照等覺徧知
揚萬化於大千搗億形於法界其靈起攝誘之權影現戲遊之力
可勝言者哉自優曇發華而金姿誕應娑羅變葉而塔像代興月
喻論其跡隱鏡象譬其常照律師應法似流宣化如渴揚舲游水
馳錫禹山於是捫虛梯漢構立機道狀奇肱之飛車類似叟之懸
閣體高圖範冠采虹蜺推鑿響於霞上剖石瀝於雲表信命世之
壯觀曠代之鴻作也青艘與丹粟競采白金共紫銑爭輝梵王四
鶴徘徊而不去帝釋千馬踟躕而忘歸

藝文類聚
七十六

劉孝綽

孝綽字孝綽彭城安上里人本名冉小字阿士齊大司馬府從
事中郎繪子天監初爲著作佐郎遷太子舍人尚書水部郎出
爲平南安成王記室尋補太子洗馬遷尚書金部郎復爲洗馬
出爲上虞令遷除秘書丞出爲鎮南安成王諮議免起爲安西

記室累遷安西驃騎諮議參軍兼司徒右長史太府卿太子僕員外散騎常侍廷尉卿免起爲西中郎湘東王諮議復爲太子僕除安西湘東王諮議參軍遷黃門侍郎尚書吏部郎左遷信威臨賀王長史除祕書監有集十四卷

爲鄱陽嗣王初讓雍州表

臣聞大邦維屏旣慙宗子之詩思樂頻宮有缺僖公之頌特以周興九伯錫壤參虛漢啟二河分珪舊楚自私家慶總集微躬雍部襟帶跨制數州西拒嶢關北跨鄧塞雖復呼韓來朝蒙街納質二虜尋戈四郊無警猶當王戎雅識羊祜尙義臣退求諸己無或寡安進思盡忠幾乎私竭

初學記十

東宮禮絕傍親議

案張鏡撰東宮儀記稱三朝發哀者踰月不舉樂鼓吹寢奏服限亦然尋傍絕之義義在去服服雖可奪情豈無悲饒歌輟奏良亦

爲此既有悲情宜稱兼慕卒哭之後依常舉樂稱悲竟此理例相符謂猶應稱兼慕請至卒哭

梁書昭明太子傳周史五十三

送瑞鼎詣相國梁公啟

生木遊火之禽夾階紀朔之華白環銀瓮之迹素雉金船之瑞自天有祚不爲定於邾鄆虛其所止非獨在於汾陰

藝文類聚九十九

謝爲東宮奉經啟

皇太子四術夙知三善非學猶復旁求儒雅應物稽疑業光夏校德茂周序諸侯宋魯於焉觀則參陪盛禮莫匪國華臣雖職典經圖而同官不一推擇而舉尙多髦俊寵光曲被獨在選中他日朝聞猶甘夕死況茲恩重彌見生輕

藝文類聚五十五初學記二十一

求豫北伐啟

或以臣素無飛將之目未從嫖姚之伍言易行難收功理絕然桓冲稱謝安無將略文靖公遂破苻堅山濤謂羊祜不强建成侯卒

平孫皓微臣之譬兩賢誠無等級小虜之方一寇勢踰枯朽

藝文類聚

五十

謝西中郎諮議啟

臣不能銜珠避顛傾柯衛足以茲疏倖與物多忤兼逢匿怨之友
遂居司隸之官交構是非用成萋斐日月昭回俯明枉直獄書每
御輒鑒蔣濟之冤災髮見明非關陳正之辯遂漏斯密網免彼嚴
棘得使還同士伍比屋唐民生死骨肉豈侔其施臣誠無識孰不
戴天疏遠畝隴絕望高闕而降其接引優以旨喻於臣微物足爲
榮隕況剛條落葉忽沾雲露周行所實復齒盛流但雕朽污糞徒
成延獎捕影繫風終無效答

梁書劉孝綽傳

謝東宮啟

臣聞之先聖以眾惡之必監焉眾好之必監焉豈非孤特則積毀
所歸比周則積譽斯信知好惡之間必待明鑒故晏嬰再爲阿宰

而前毀後譽後譽出於阿意前毀由於直道是以一犬所噬旨酒
賀其甘酸一手所搖嘉樹變其生死又鄒陽有言士無賢愚入朝
見嫉至苦臧文之下展季靳尚之放靈均絳侯之排賈生平津之
陷主父自茲厥後其徒實繁曲筆短辭不暇彈述寸管所窺常由
切齒殿下海道觀書俯同好學前載枉直備該神覽臣昔因立待
親承緒言飄風貝錦譬彼讒慝聖旨殷勤深以爲歎臣資愚履直
不能杜漸防微曾未幾何逢訖羅難雖吹毛洗垢在朝而同嗟而
嚴文峻法肆姦其必奏不顧賣友志欲要君自非上帝運超已之
光昭陵陽之虐舞文虛誣不取信於宸明在縹嬰纏幸得蠲於庸
暗裁下免黜之書仍頒朝會之旨小人未識通方勢馬懸車息絕
朝覲方願滅影銷聲遂移林谷不悟天聽固已造次必彰不以距
違見疵復使引藉雲陛降寬和之色垂布帛之言形之千載所蒙
已厚況乃恩等特召榮同起家望古自惟彌覺多忝但未渝丹石

永藏輪軌相彼工言構茲媒議且歎冬而生已凋柯葉空延德澤
無謝陽春
衆書劉孝綽傳

謝安成王賚祭孤石廟胙肉啟

味過淪鳳珍越屠龍故使屏翳收風馮夷淨浪神居鵠首獨汎安
流民幸同附得徵邁迕復等受釐預頒純嘏恩靈所降信次委積
報生以死竊聞斯義蘇文解聚七十二

謝晉安王餉米酒等啟

傳詔李孟孫宣教旨垂賜米酒瓜筍菹脯鮓茗八種氣苾新城味
芳雲杜江潭抽節邁昌荇之珍壘場擢翹越葺精之美羞非純束
野麋裊似雪之駒醑異陶瓶河鯉燥如瓊之粢茗同食缺酢類望
甘免千里宿春省三月種聚小人懷惠大懿難忘茶經

謝給藥啟

一物之微遂留醫旨名醫上藥爰自城府雖巫咸視診岐伯下鍼

松子玉漿衛卿雲液比妙眾珍寶云多愧蘇文類聚八十一

謝越布所

比納方網既輕且麗珍適龍水妙越島夷蘇文類聚八十五

荅湘東王書

伏承自辭皇邑爰至荆臺未勞刺舉且撫高麗近雖預觀尺錦蘇文類聚

十錦類聚作而不覩金玉昔臨淄詞賦悉與楊修未殫寶笥顧慙先哲

渚宮舊俗朝衣多故李固之薦二邦徐珍之奏七邑威懷之道兼而有之當欲使金石流功恥用翰墨垂迹雖乖知二偶達聖心爰自退居素里卻埽窮閭比楊倫之不出譬張摯之杜門昔趙卿窮愁肆言得失漢臣鬱志廣敘盛衰彼此一時擬其非匹竊以文豹何辜以文爲罪由此而談又何容易故韜翰吮墨多歷寒暑既闕子幼南山之歌又微敬通渭水之賦無以自同獻笑少酬褻誘且才乖體物不擬作於玄根事殊宿諾寧貽懼於朱亥顧已反躬載

懷累息但瞻青漢廣邈若天涯區區一心分宵九逝殿下降情白
屋存問相尋食棧懷音矧伊人矣

梁書勸孝綽傳又略見藝文類聚五十八

與弟書

方弘游典墳瞻歌林澗覽興寢於千載觀榮落於四時

歲時紀要

荅雲法師書

孝綽和南辱誨垂示教旨所荅劉太僕思效啟義窮深遠語兼巧
便伏聞希有身心踴躍昔戈盾夾車備不虞於周后兵旗引駕防
未然於漢君斯皆執心黃屋瑞無紺馬事極實寓之中理隔天人
之外皇上自茲善覺降迹閭浮以住地之心行則天之化故能慈
導三有仁濟萬物猶以發藥未周寶船不倦解劍卻葢躬詣道場
瑞花承足人觀雕輦之盛金輪啟路物覩重英之飾顯實開權事
均祇鷺本無四畏寧慮五怨思效遂虜引梁丘隨劍之說日殫觸
瑟之辭何異迴龍象於兔徑注江海於牛迹聖旨懇懇曲根誘喻

豈直淨一人之垢衣。將以破羣生之暗室。弟子世傳正見。幼觀真言。但惑網所縈。塵勞自結。微因宿植。仰逢法教。親陪寶座。預餐香鉢。復得俱聽一音。共聞八解。庶因小葉。受潤大雲。猥蒙開示。深自慶幸。不勝歡喜。略附陳誠。劉孝綽和南

釋藏策五廣弘明集二十八上

昭明太子集序

臣竊觀大易重明之象。著焉。抑又聞之。比喩之義存焉。故書有孟侯之名。記表元良之德。歷選前古。以洎夏周。可得而稱。啟誦而已。雖徹聖挺賢。光乎二代。高文精義。闐爾無聞。漢之顯宗。晉之肅祖。昔自春宮。益好儒術。或專經止於區易。或持論窮於貞假。子桓雖摘藻銅雀。集講肅成。事在藩儲。理非皇貳。未有正位。少陽多才多藝者也。粵我大梁之二十一載。盛德備乎東朝。若乃有縱自天。惟睿作聖。顯仁立孝。行於四海。如珪如璋。不因琢磨之義。爲臣爲子。盛待觀喻之言。惟性道難聞。而文章可見。故俯同志學。用晦生知。

以弦誦之餘辰、總鄒魯之儒墨、徧綈紉於七閭、彈竹素於九流、地
居上嗣、實副元首、皇帝崇拱嚴廡、委咸庶績、時非從守、事或監撫、
雖一日二日、攝覽萬機、猶臨書幌而不休、對欹案而忘怠、況復延
納侍講、討論經紀、去聖滋遠、愈生穿鑿、枝分葉散、殊路僭馳、靈臺
辟雍之疑、禋宗祭社之繆、明章申老之議、通顏理王之說、量殷然
否、剖析同異、察言抗論、窮理盡微、於時淹中稷下之生、金華石渠
之士、莫不過衡衡而挹多少、見斗極而曉西東、與夫盡春卿之道、
贊仲尼之宅、非賈誼於蘇林、問蕭侍於棗據、區區前史、不亦慙歟、
加以學貫總持、辨同無破、五時密教、見猶鏡象、一乘妙旨、觀若掌
珠、及在布金之園、處如龍之眾、開示有空、顯揚權實、是以徧動六
地、普雨四花、豈直得解纓須提、舍鉢瓶沙、騰鸞言德、梵志依風而
已哉、若夫天文以爛然爲美、人文以煥乎爲貴、是以隆儒雅之大
成、遊雕蟲之小道、握牘持筆、思若有神、曾不斯須、風飛雷起、至於

宴遊西園祖道清洛三百載賦該極連篇七言致擬見諸文學博
逸興詠並命從遊書令視草銘非潤色七窮焯燿之說表極遠大
之才皆喻不備體詞不掩義區宜適變曲盡文情竊以屬文之體
鮮能周備長卿徒善既累爲遲少孺雖疾能優而已子淵淫靡若
女工之蠹子雲侈靡異詩人之則孔璋詞賦曹祖勸其修今伯喈
笑贈輦虞知其頗古孟堅之頌尙有似贊之譏士衡之碑猶聞類
賦之貶深乎文者兼而善之能使典而不瑩遠而不放麗而不淫
約而不儉獨擅眾美斯文在斯假使王朗報箋卞蘭獻公猶不足
以揄揚著述稱贊才章況在庸才曾何仿佛然承華肇建監齒時
髦居陪出從近將二紀譬彼登山徒仰峻極同夫觀海莫陞波瀾
但職官書記預聞盛藻歌詠不足敢忘編次謹爲一帙十卷第目
如左日升松茂與天地而偕長壯思英詞隨歲月而增廣如其後
錄以俟賢臣

司空安成康王碑銘

昔者重華文命並胄高陽之苗豐邑春陵俱纂帝堯之緒而虞夏
革運姚姒之姓已分高光再興大漢之名無改如我皇家梁齊代
建異文叔之紹開起自王族非伯禹之更姓公則本枝別幹誕自
何嶽五百之期寶膺命世卜商有問是謂色難承志望顏在公斯
易至如文琰之對食餘幼權之言爵里衛子之朗月映山杜生之
凝脂點漆惟公具美歷駕前修峩峩焉非嶽陵之所至浩浩焉總
江漢而爲長故能擊水三千搏風九萬排天闕而俯視掩浮雲而
上征皇帝甄名挺聖何洛有徵握衡含樞奄一時夏利建藩屏固
葉深根邨霍鄴飢方周啟祚封公爲安成王食邑二千戶允同衛
叔賜寶器於商郊殊異應侯戲桐珪於汾水乃公爲平西將軍荆
州刺史楚之對齊屈完引城池之固荆之比宋墨翟陳轅路之殊
品金作貢不異淮海珠璣犀象又無求於晉國況以雲夢九百之

宏侈章華三休之巨麗公禦煩以寡居高而降執冲虛之道無矜
滿之情其爲政也莊敬足以範物慈惠足以庇民剛毅足以威暴
清貞足以勵俗天監十七年薨春秋四十有五凡我庶民竊親高
義況復祇承帝命來仕王家免園晚春叨從者之賜高唐暮天而
奉作賦之私常懼慶雲之惠不酬而搖落奄至豈謂經塵之效莫
展而峻極先殯思所以立言貞石貽厥長世銘曰

昔在文韶五賢二聖漢藩魏屏微風不競於赫我梁德符姬姓康
王康叔異時同盛爰自妙年令問不已一孝一悌實光行始義府
文場詞人髦士波瀾莫際牆仞難窺用茲先覺道此後知德大心
小居高志卑再握不倦三吐忘疲飛龍在天肇基宛續地猶小昧
民同世復皇情睠正屬難摧轂允矣宗英移藩改牧誰謂路永江
漢已浮彼蒼不惠遽反成周川迴沂軸塗引歸旒

藝文類聚
四十七

栖隱寺碑

開方便門、示眞實相、置甘露室、遵甘露津、苦語軟言、隨方弘訓、俯
心降迹、逐物重輕、中枝小葉、各隨業根、愍其四流、五結有來而不
散、八慢九邪、一淪而莫曉、如彼醫王、等之藥樹、去聖茲遠、思聖茲
深、誠敬所先、是歸龕廟、自妙法東注、寶化西漸、公卿貴士、賢哲偉
人、莫不嚴事招提、歸仰慧覺、欲使法燈永傳、勝因長久、銘曰、

給孤焚蕩、善勝崩淪、堂堂宗匠、克紹慧因、地雖舊域、其宇惟新、召
柴且思、羊碑猶泣、況我仁祠、義喻生立、遺愛伊何、形于南邑、亦有
庶民、經始攸急、珠殿連雲、金層輝景、衢交達巷、門臨樹屏、五居推
妙、三空愧靜、銘施柱側、記法窟前、孰云千載、餘迹方傳、敢宣重說、
敬勤雕鐫、芬域未滅、斯文在旃、藝文類聚
七十七

賜進士出身一品銜廣東等處提刑按察使司按察使兼管驛傳事務黃岡王毓藻校刊

全梁文卷六十

全梁文卷六十

劉孝綽

全梁文卷六十一

烏程嚴可均校輯

劉潛

潛字孝儀以字行孝綽第三弟天監五年舉秀才除鎮右始興王法曹行參軍隨府益州兼記室中撫主簿遷尚書殿中郎除安北晉安王功曹史補太子洗馬遷中舍人出爲陽羨令擢建康令大同中爲中書郎左遷安西諮議參軍兼散騎常侍使魏還復爲中書郎兼司徒右長史又兼監遠長史行彭城琅邪二郡事遷尚書左丞兼御史中丞出爲伏波將軍臨海太守中大同初入守都官尚書太清初出爲明威將軍豫章內史有集二十卷

歎別賦

在羈旅兮爲思每居常而不樂意難偕於貽蕩情易邀於隕穫愁

非和而自來憂試排而不卻退求己以自省慨撫衿而太息位不
俟於一進髮徒彰於二色名有似於務耕學無均於譬織在初歸
之爲慶庶因拙而自收保私庭之宴喜共昆弟而嬉遊校小文於
搖筆比楷式於臨流心每歡於接膝行如喜於同輓忽一去而數
千遂離居而別域阻同被於當寐乖共漁於終食唯憑遠望以代
歸負相思其無力

藝文類聚三十
初學記十八

爲臨川王解司空表

臣以庸薄謬竊隆重職班三事任摠六條衣袞坐槐旣闕論道馳
傳憩棠尤慚爲政而俯司土地仰變陰陽棟撓之譏已彰愆伏之
咎爰著今水沴乃作旱寇爲災山無蒼蔚雲成煙火陛下曲私未
垂策免臣職是當於何逃責乞降茲台步協此天人

藝文類聚四
十七御覽二

爲安成王讓江州表

臣聞失晨之雞雖不忘於改旦敗駕之馬終取忤於銜鑣臣昔牧淮岱皇風咫尺一變至道易以爲政而亂政莫理美錦徒傷豈可復宣六條闡化千里

又

臣聞六轡沃若不策玄黃之馬九成輪奐無求擁腫之材何則踳

踳之路已窮梁棟之用斯闕

並藝文類聚五十

爲南平王讓徐州表

竊以淮岱務殷事乖坐嘯粉榆望重非可臥治臣縣頓枕席動移旬晦恒恐尺波易流寸陰難保寧可復冒此寵應茲恩榮

藝文類聚五十

爲臨川王解揚州表

臣自馳傳斗牛作牧淮海政刑兩空璿璣六運旣昧弛張之要尤慚大小之獄故以結詠濡翼取愧能官每一進思無忘退食誠復恩私可憑而彝倫難紊敢恃慈弘冒披心款乞解州任少弭素餐

爲鄱陽嗣王初讓雍州表

臣大邦維屏，旣慚宗子之詩。思樂泮宮，有缺僖公之頌。特以周開
元伯，錫壤參墟。漢啟三僊，分珪舊楚。身私家慶，總集微躬。擁部襟
帶，跨制數州。西距嶢關，南踰鄧塞。雖復呼韓來朝，棄街納質。二虜
尋戈，四郊無警。猶如王戎，雅識羊祜。尙義臣求諸已，無或宴安。進
思盡忠，歸乎犯謁。藝文類聚五十

爲李揚州舅讓表

人心彼此，盡爲敵國。金柝夜警，和聞晝閉。加以淮水淼漫，危同三
坂。懷山之勢已成，爲魚之期可見。若使身死，可以益國。城沒足用，
報恩雖葬魚鼈，其甘如薺。政以朽毫無庸，心負恩寄。恥辱之甚，非

止老臣

藝文類聚五十

爲晉安王讓丹陽尹表

臣聞盈尺徑寸，易取琢磨。南箕北斗，難爲簸挹。何則？良工質美，在

器成珍假名責實涉求必殆

藝文類聚五十

爲雍州柳津請留刺史晉安王表

楚備寶臣秦兵不入齊多君子魏珠恥昭足使文公懼而側席孟軻歎而廢寢敢言借寇之願切望申耿之恩陛下昔在潛龍因茲或躍固以陋撫撫於周原包忽忽之佳氣昔久君出撫近駕班輪喬卿在政遙授表服焉馮熊軾而督盜御龍章而行部無虧燮理有光司牧

藝文類聚五十二

爲江僕射禮薦士表

陛下緝禮裁樂化俗移風當宸思治分宵夢相枯岸之珠既論潤山之玉已薦伏見兼太學博士會稽賀瑒字德璉幼能斧藻長則琢磨結卷就賢擔簦來學鄉塾染其丹采朋友扣其洪鍾聲無愧於東筠材有踰乎西杞如使聯事宗伯握蘭建禮庶用得其才人知自勗臣鑒非止水職豫搜揚前竭謏聞先自鄉曲

爲江侍中薦士表

臣聞天道不言，資寒暑而成歲。宸居垂拱，寄守宰以宣風。若夜魚不欺，朝琴在奏，則殘殺自去，汾射可追。伏見鎮北府水曹參軍濟陽江興，字休恭，立身貞白，操業清廉。頗涉書記，彌閑刀筆。前攝縣沮漳，無傷錦製；巡行淮海，不忝繡衣。若處以百里之邑，使導一鄉之賦，必能治文無害，迄用有成。臣舉不避族，非欲異姓居後，知人爲難，寔緣所悉而薦。裁文類聚五十三

爲臨川王奉詔班師表

臣有受服廟堂，申威塞表，旣驅熊羆之眾，兼稟帷幄之謀。登濟河山，夷滅趙魏；將繫軹在之頸，且屈渭橋之膝。而玄陰屆節，祁寒方始。降此慈弘，愍茲介冑，使燕然之石，願勒而不刊；幽谷之士，將封而莫遂。雖荷杖杜之恩，終慙采薇之旨。裁文類聚五十九

爲始興王上毛龜表

巨聞嘉瑞五靈既著方策故名于載可得而傳是以立蔡赤文求表軒黃之政神龜青純用顯姬公之德出自江安寔荷謙夷之慶甲生毳羽寧非銷謫之徵實皇家之巨瑞庶民之休幸

疏文類聚九十九

彈賈執傳湛文

梁大同中

長兼御史中丞劉孝儀稽首言南康嗣王府行參軍知譜事賈執與前中書舍人傅湛在王座飲酒時上不安人從臺還聖體已和湛乃揚眉瞋目謂執曰卿念天子我不見關出悖慢言語連及於上共執忿譁湛昔經殺牛誤又自殺近效殘貪賄賂狼藉特逢解網宥其餘命自被棄廢尤懷怨憤謗訕不遜謹按前兼通事舍人臣傅湛才薄驚蹇特荷抽擢自預左右頻蹈極刑押對鞠書累逢闕過未聞報效反懷恚憤聖體不安臣下憂懼而湛敢生怨望輕肆慢辭醜爭及父心無愛敬戲語連上罪同悖逆未央馬瘦不覩廢令之忠甘泉道蕪遠見扶風之罪宜其徇乎東市尸彼轂門南

康嗣王府參軍臣賈執始聞湛語初無逐雀之心末因私忿遂顯
懷鳩之逆雖跡似折奸意由肆憾惡慢於人自彰穢醜見辱父子
已會季倫之辭爭及其父復入梁紛之難是使王嫡悲於連累黑
要喜於得川太子舍人始興蕃王臣蕭毅幸因社祚爵預藩屏而
散金失所設醴乖人雍容之賓末遊於雕苑號怒之容日醉於雷
池致使博徒跣弛慢醉盈路覩顏受辱會無發糾並恕伯厚之心
俱鳴路粹之責臣等參議請以見事依法免毅所居官解執知譜
事請議貶黜付之卿論不得厠預官流刺尙施行輒不禁止

文苑英華

六百四

十九

從弟喪上東宮啟

亡從弟遵百行無點千里立志同氣三荆之友假寢十起之慈皆
體之於自然行之如俛拾自碣宮陪宴釣臺從幸攀附鱗翼三十
餘載茫昧與善一旦長辭劍匿光芒壁碎符采躬搖神筆親動妙

思雖每想南皮書憶阮瑀行經北館歌悼子侯不足輩此深仁齊

茲舊愛蘇文類聚二十一

爲王儀同謝國姻啟

卽日主書王靜民宣敕安吉主降嬪臣第三息實臣素里庸族蓬
衡賤品事隔伊緡之禮望絕下嫁之姬而聖慈猥洽皇姻曲建荆
布陋飾已膺凡獎負薪微盾復降肅邕頻煩叨荷內外榮抃蘇文類聚

十四

謝東宮賜五色藤筌蹄一枚啟

炎州采藤麗窮綺緡

北戶錄之精絕

段公路云新州作五色藤筌臺時

景牀上常設胡床及筌蹄今海州歲貢藤鏡匣一筌臺一是也又本行經云河龍女名尼連茶耶上太子寶筌提按筌蹄筌臺筌提同物異名六朝以後無此器物矣當考

謝文出門官賜紋絹燭啟

孝儀啟左右袁文成奉宣旨宜知臣私營發遣垂賜紋絹二十疋

燭二十挺臣家本貧敝事多蹇闕桓室金縷本非所宜孟姬作具
猶若未周殊澤曲臨珍華兼重制爲美服雙綺易儔秉而不息三
夜有待臣名品卑末事隔榮賜慈渥之墜實見因心小人微賤豈
能勝報不忘

初學記
二十五

除建康令謝啟

所恐長安少年易爲操彈涓城游微矜其獨勇清路道奴固知難

摺輕綬飛駕且見爲榮

藝文類
聚五十

爲晉安王謝東宮賜玉環刀啟

苗鋒珍鋌利極鉤芒謹當擁以雄身藉而安體不令北海小雍孤

擯穿滕之寄廬江佩刀獨表不欺之驗

藝文類聚六十
卷三百四十六

爲王儀同謝宅啟

昔晏嬰湫隘齊景營其爽塏孫歷無家晉武爲之築館或功高千
載德重一時故蒙考室之榮以降葺宇之澤並辭而處傳芳前載

臣才愧昔人、恩同往哲、豈宜妄荷、重增疵吝、但匈奴未滅、遽當輪奐之美、環堵爲室、遂得歌笑於斯、

爲武陵王謝賜第啟

竊以南望朱鳥、北距蒼龍、右帶御溝、左迴青路、畢晏嬰之湫隘、同潘岳之閑居、臣幼自宮掖、長遊城府、雖輪奐之美、多門而館第之私、未暇、今輕舟將反、高門遽錫、遂葺家築室、百堵皆興、雲屋連營、一朝弘敞、藝文類聚六十四

謝晉安王賜銀裝絲帶啟

雕鏤新奇、織製精絜、越中玉女、不得關思、上方名匠、莫能議巧、人情駭觀、如見買臣之綬、望貌移姿、似逢子訓之術、藝文類聚六十七

謝始興王賜花紈簾啟

麗兼桃象、周洽昏明、便覺夏室已寒、冬裘可襲、雖九日煎沙、香粉猶弃、三旬沸海、團扇可捐、藝文類聚六十九

謝東宮賚酒啟

異五齊之甘，非九醞之法。屬車未曾載，油囊不得酤。試儔仙樹，葛玄泥首，才比蒲桃。孟他銜璧，固知託之養性，妙解怡神。擬彼聖人，羞得連類。

藏文類聚七十二

謝晉安王賜宣城酒啟

孝儀啟。奉教垂賜宣城酒四器。歲暮不聊，在陰卽慘。於斯二理，總萃一時。少府鬪猴，莫能致笑。大夫落雉，不足解顏。忽值瓶瀉椒芳，壺開玉液。漢樽莫過，殷杯未逢。方平醉而遁仙，義和耽而廢職。仰憑殊途，便申私飲。未覩羈恥，已觀幘岸。傾耳求音，不聞霆擊。澄神密眠，豈覩山高。愈疾消憂，於斯已驗。遺榮忽賤，卽事不欺。酩酊之中，猶知銘不任。謹啟事。

初學記二十六

謝晉安王賚蝦醬啟

龍醬傳甘，退成可陋。蟻醢稱貴，追覺失言。上聖聞雷，未之能覆。嘉

賓流歌著無辭宴

藝文類聚卷七十二
謝靈運八十六十三

謝和陽王賜鉢啟

珍竒貨貢製極絕金用貴寶樽文包龍鼎雕鏤海籍圖載山經閱
眾靈於器中弄神姦於掌裏足令任后所欲遠慙漢世少君有觀
遙羌齊寢

藝文類聚
卷七十二

謝東宮賜城傍橘啟

多置守民晉爲厚秩坐入纖素漢譬封君固以俛正穰橙俯連楚
柚靈似魏瓜借清泉而得令豈如對食待飴蜜而成甜重似倒影
陽池垂華金堞信可珍若播於式乾貴蒲萄於別館

藝文類聚
卷八十六

謝晉安王賜甘啟

使得削彼金衣咽茲玉液甘踰津實冷亞冰盃立消煩餽頓除醅
酊追嗤齊相進不剖之實遠笑魏君逢裂牙之味

藝文類聚卷八十六
初學記二十

謝始興王賜柰啟

酒泉之實稱於王賦瓜州之味記自張文亦有太沖嗟其夏成子建暘其寒孰藩園曜曰孫井浮朱并見重於昔時而霑恩於茲日

載文類聚

八十六

爲晉安王謝賜爲鴨啟

形類沈文經符陶記晉臣羞籠吳甌未占復有背如車蓋曾垂卻月口疑犀機脚似魚懸出九芝之池去千金之沼

蘇文類聚九十一

謝豫章王賜馬啟

出自北冀來從東道僂越兩驂駐同八駿循坂且厲無復良樂之鳴長楸可走不假幽并之策

蘇文類聚九十三

謝始興王賜車牛啟

下官安於躡屨習以成性乘堅驅駿未可厝心慈渥無涯每垂獎飾無復難載之朋將申共弊之美漢龍望水未足儔光長門聽雷

不能均響

謝豫章王賜牛啟

觀其毛角相合、骨像應圖、曳流水而生光、驚高限其如接、遂使上
阜輟駕、下澤是驅、馮軾修途、既獲坐馳之致、馴養廣庭、方念載憂
之勗、藝文類聚
九十四

北使還與永豐侯蕭瑒書

足踐寒地、身犯朔風、暮宿客亭、晨炊謁舍、飄飄辛苦、迄屆羣鄉、雜
種覃化、頗慕中國、兵傳李緒之法、樓擬衛律所治、而毳帳難淹、醅
漿易饜、王程有限、時反玉關、射鹿胡奴、乃共歸國、刻龍漢節、還持
入塞、馬銜苜蓿、嘶立故墟、人獲蒲萄、歸種舊里、稚子出迎、善鄰相
勞、倦握蟹螯、亟覆蝦蟆、未改初學記御覽作每取朱顏、略多自醉、用此終日、
亦以自娛、藝文類聚五十三初學記
二十御覽七百七十九

探物作豔體連珠

妾聞洛妃高髻不姿於芳澤。玄妻長髮無籍於金鈿。故雲多由於
自美。蟬稱得於天然。是以梁妻獨其妖豔。衛姬專其可憐。

妾聞芳性深情。雖欲忘而不敗。薰芳動慮。事逾久而更思。是以津

亭掩馥。祇結秦婦之限。爵臺餘妬。道生魏妾之悲。蘇文類聚五十七文苑英華七

百七十一

平等寺刹下銘

香薪已燎。花疊盡然。頻果絕其軟言。綿毫收其廣照。紺鉢遺采。託
慕所依。紅爪餘暉。申悲是寄。因使金表爭構。玉刹競脩。豈止天界
飾其四圍。龍宮陳其七寶。樹似菴林。峯疑驚色。孕吐仙霧。涌瀨靈
泉。燕室緣雲。精廬切製。漢兼祕殿。宋美御房。義和假道於罽恩。翔
鷗迴翼於飛棟。建章厭勝。未及雕甍。甘泉避暑。豈窮輪奐。檻綴玫
瑰。階填粟玉。絡以如意。飾用沈檀。火齊勝明。燭銀颺采。釋梵奪其
身光。日車貶其輪照。辭曰。

惟茲寶塔妙跡可傳盤稱鄴境樓美涪川雙龍虛繞九鳳徒懸
如神利耿介凌煙珠含魄月幡垂淨天寶鐸夜響銀地朝鮮檐棲
迴霧砌卷香蓮翻蠶下梵墜鶴歸仙涇沙擾擾世界綿綿踐茲勝
影祛彼蓋纏

蘇文類聚
七十七

雍州金像寺無量壽佛像碑

昔堯乃則天莫能名其聖已纔瞻日無德稱其道況復欲宣五品
將歎三法固使迦葉恥其無智龍樹羞其非辯猶聞獻蓋長者頌
以七言無學比已陳其百句至有九輩性生一身補處塵洗玉池
神間金葉樹聲繁會趙簡於是未聞地寶焜煌周穆之所不見昔
者出城石轉還林現疾夢樹既沈梵花獨反猶有香杖疊衣紅爪
紺髮可得崇以妙利顯用珍函彼彌掩感化殊攝日輪照曜月面
從容毫散珠輝脣開異色似含微笑俱注目於瞻仰如出軟言咸
傾耳於諦聽像復以其夕出住寺門始則映顯巖間猶對鷲山之

禮末又徘徊閭外似救毗城之疾空中生樹豈曰難思火內披蓮
未爲多有銘曰

奄有淨國寶應多祉葉產梵童花開釋子玉蓮交映銀荷遞起伊

尹慙桑伯陽羞李

執文類聚七十六案梁書本傳云敕令
製雍州平等金像碑文甚宏麗即此

劉孝威

孝威孝緯第六弟爲安北晉安王法曹轉主簿除太子洗馬遷
中舍人庶子率更令太清中遷中庶子兼通事舍人有集十卷

謝賁官紙啟

臣與謝叔俱慙恭聖臣之衝棟實愧魯般之巧叔之城壘特無禽
子之守攻弱侮亡其勢甚薄策勵行賞爲渥過隆雖復鄴殿鳳銜
漢朝魚網平準桃花中宮穀樹固以慙茲靡滑謝此鮮光
執文類聚五十八

婚謝晉安王賜錢啟

孝威問吉已通請期有日而賢夫之舉多愧張耳非壻之才偶同
王粲睠言前事良以自羞曲降隆慈俯垂珍錫便使禽貲獲舉續
幣有資佩服寵靈殞越非報

魏文類聚
六十六

謝敕賚畫屏風啟

昔紀亮所隔唯珍雲母武秋所顧大寶琉璃豈若寫帝臺之基拂
崑山之碧畫巧吳筆素踰魏賜馮商莫能賦李尤誰敢銘

魏文類
聚六十

謝賚錦被啟

色豔蒲萄采踰聯璧鄂君慙織楚侍羞珠雖復帝賜鶴綾客贈鴛
綺高懸麗藻遠謝鮮明漢老悅其怪文魏馬驚其香氣

七百
七百

魏文類
聚七十

謝東宮賜聖僧餘饌啟

齊桓伯廢之器周穆軒宮之寶孔糜香飯素糝糗粢五杏七桃靈

瓜仙棗莫不氣馥上天薰流下界石崇芳果金谷僅於萬株陳湯
木滋杜陵幾于千樹猶自高謝珍奇多慙品族藝文類聚
七十二

謝東宮賜淨饌啟

糜獻牛牧飯出龍宮干品甘露之食百花珍藥之果餅兼髓乳漿
苞蔗捺雕盤流其滋旨寶器委其包香足使五世長者羞彼識味
一角仙人恥其呪術微物多幸叨奉曲恩性命可捐殊私難荅藝文類聚
七十二

謝東宮賚鹿脯等啟

上林絕胡人之博禁地無張京之犯而猶有班超之遊獵李廣之
馳射遠歸於廚吏入貢於膳人形圖三事之車影入九仙之鏡藝文類聚
七十二

謝東宮賚炭啟

洛城雪深不見海神之跡滹沱冰合無待王霸之胡聚而爲嶽大

壯黑山稱之以船將重牙獸鱷生烽焰室滿紅光雉裘入而識奢
鼠布焚而無汚

謝東宮寶藕啟

色華玉樹味奪瓊漿根出楊池間之僮約子爲靈散得自莊篇楚
后江萍秦公海棗凡厥永羞莫敢相輩藝文類聚
八十二

謝賜棕啟

孫井浮朱

初學記
二十八

爲皇太子謝敕寶功德馬啟

伏惟忘我徇物屈已濟民該天地而大捨摠日月而爲施旣脫輶
於金輪又解驂於紺馬出余吾之水服駒駉之應名高夏后之龍
價倍田方之贖謹當秣以柏葉飴以丹棗加之玉鞍飾之金絡藝文類聚
九

十三

謝寶熊白啟

竊以館有射熊之名、臺無走狗之號、上林絕胡人之博、禁地無張
京之犯、而突出羽川、來攀御檻、光踰厚壁、殆惑朱公之價、色麗燭
銀、將堪穆王之寶、藝文類聚
九十五

謝賁林檎書

勇聞齊國、止錫二桃、遠至仙方、裁蒙數棗、豈如恩豐漢篋、賜廣魏
倉、妃女數而僅通、筭郎計而方得、生於玉井之側、出自金膏之地、
上靈所貴、下士希逢、藝文類聚
八十七

謝南康王饒牛書

雖復蜀守神牛、秦公怒特、穆王白角、何氏瑩蹄、無以逾其勁力、邁
其致遠、直宿九重、獲免疏步、路休三逕、且息徒行、從祀甘泉、方無
假於丞相、騎至清廟、又永笑於博陽、藝文類聚
九十四

正旦春雞贊

寶雞陳倉、祠光表神、雄飛帝漢、雌鳴霸秦、排膺激怒、磔翅張瞋、雷

鞭失焰雷車折輪助標魏教壇場齊珍名流晉戟歌傳漢臣竊脂
善盜搏穀難馴綠鸚智淺蒼鷹害深兼姿五德歸于翰音

魏文類聚九十一

辟厭青牛畫贊

泰山怒特吳渚神牛氣噓風噴精迴電流詎牽和鞅不入裴鞅狡
力難京肆怒橫行明陵瑩角介葛瞻聲遁仙託稱妖寇馮名名震
八區威陵五都蓄勇槽側息憤場隅仇覽獻豆滕嬰進芻雄兒楷
式悍士規模曹興拂采徐邈成圖

蘇文類聚九十四

賜進士出身三品銜廣東等處提刑按察使司按察使兼管驛傳事務黃岡王毓藻校刊

全宋文卷六十一終